

明詩綜卷四十九

萬表 六首

表字民望鄞縣人正德末中武進士累官都督

同知僉書南京中軍都督府晚號鹿園居士有

玩鹿亭臺

顧之言云鹿園才清思逸豐履高曠詩如空巖曲瀨苑
轉寒夏時復滴瀝得幽開真趣有韋應物深致七言氣

骨稍

留都道出蘇州卒遇寇楊溥橋孤軍與戰得出身中流失以書報家人
曰家世死戰唯吾持文墨論議未嘗身將兵今晚年增一箭瘢可無憾
矣蓋萬氏自武略將軍斌戰死阿魯完河子指揮僉事鍾與瑄難兵戰
死花園孫明威將軍武從征交趾師次檀金山陷陣死武弟文襲兄爵
守桃渚有龍夜戲潮浮水面遙望兩炬光以為賊火引強弩射之應弦
落其一炬不知為龍目也龍負痛騰躍文知漂沒人稱射龍將軍世
永都督僉事華故鹿園書云然鹿園子達甫仲章鎮國將軍孫邦手汝
云清齋龍聽法空階月

送潮此仲章警句也

明詩綜卷四十九

憫黎吟 三首

參政平崖錢公出憫黎諸詠見示惻然傷懷因

而有作

地何產柵與速民何畜豕與犢豕犢盈盤吏反嗔柵速

窮年采不足刻箭為約安得銷黎人借錢無約刻箭記之歲歲生當剗

吾肉負戈因拚一命償嗟嗟黎人誰爾牧

小張... 朱... 王立石 緝評

虎兕來猶可奔狼師一來人無存大征縱殺玉石焚昔
人鵬勦只一村鵬勦功成賞不厚大征廢子還廢孫殺
一不辜尚勿為何況萬骨多冤魂

鑿而飲畊而食撫黎何事來相逼舊設有撫黎老人瘠牛可畊豈

不惜薑水那堪吞滿臆撫黎逼黎人之財則以薑水灌之遙明鐙火忽驚疑

一望旌旗我心惻撫黎至黎則明鐙揚旗以往羣黎艸木豈有知貪吏賂

削無休息攻掠犯順誰所為撫黎毒黎還毒國

夏日飲許負外山亭即景

一亭梧竹裏迥出市塵間石逕緣蘿入江峰對座聞海
雲朝屢變山鳥暮雙還別去衡茅下思君嬾閉關

江南曲

明詩綜卷四十九

二

客從潮陽來夜泊秦淮口鄉語人不知兒童聞拍手

宮人歎

莫向雲屏羨阿嬌暫將清泪度春宵帶圍自此拚長減
待得君王愛細腰

劉銳一首

銳字蓄之海鹽人世襲海寧衛指揮使有春臺

集錢幼卿云海村抽簪適軸寓意詩篇
與瀛洲諸老和酬卓然自振於倚伍

詩話海村少補諸生屢試不利乃食世祿里居賑飢散藥以厚德聞有
僕名木善射一日水鶴集資聖寺鳴吻木射之貫其左翮鶴帶矢盤旋

良久竟集中庭如臆訴者海村曰嘻必木也命板其矢縱之不能飛
乃命木飼之旬日創愈向主人鳴舞翔翔而去海鹽人至今能道之

和徐東濱

何處幽棲好城西有茂林山來當戶翠竹長隔墻陰哺

子飛梁燕窺魚下水禽閉門無所事赤日任流金

余承恩

四首

承恩青神人官永寧叅將有鶴池詩集

詩話鶴池爲太保蕭敏公孫蕭敏有社稷功世襲錦衣衛指揮其子忬權倖調外衛故鶴池終身不得侍禁禦詩集八卷銅梁張甫序之

感興

白日沉西陸返景流東岑端居屏塵翳欣然理鳴琴大雅僉不悅馳情在鄭音違俗信靡合安可同荒淫達久宜止足嘉遜我所諶富貴苟非義一唾麾千金

答草池約汎蓉溪

春來花鳥總關情夜雨愁聽不到明怪殺主人猶病酒晴江鼓柁放舟行

明詩綜卷四十九

泛舟

三

芙蓉溪水三尺強蒼蒼兩岸花艸香若待長江新漲合攬舟直上小茆堂

望忠州

高江落日片帆秋岸上漁罾次第收無數峰巒雲霧裏舟師指點認忠州

感繼光

二首

繼光字元敬登州人世襲衛千戶以叅將備倭

浙東大破倭於台州以副總兵鎮福建大破倭

於平海衛聞寇旣平以都督同知召理戎政出

爲薊鎮總兵進左都督加少保卒謚武毅有止

止堂集

生平方略欲自見於西北者十未展其三故其詩多感激

悲壯抑塞憤張之詞

君子讀而悲其志焉

詩話少保平倭之功戰勝攻克皆有紀効新書在薊日與總制譚公綸樽俎折衝擬有練兵實紀論者比之孫吳韓白焉軍中有暇輒與文士接席賦詩集名止止葉曰愚愚居曰夢夢是亦好奇矣

盤山絕頂

霜角一聲艸木哀雲頭對起石門開朔風鹵酒不成醉
落葉歸鴉無數來但使雕戈銷殺氣未妨白髮老邊才
勒名峰上吾誰與故李將軍舞劒臺

度梅嶺

溪流百折遠青山短髮秋風夕照間身入玉門猶是夢
復從天未出梅關

明詩綜卷四十九

四

俞大猷

首

大猷字志輔晉江人世為百戶嘉靖中舉武進
士累官都督同知佩征蠻將軍印進右都督卒
贈左都督謚武襄有正氣堂集

挽薛養呆

伐木風不還今古幾心知我與君結契相期弱冠時平
生一然諾盛衰永不移我善君相助我過君相規嗟君
忽奄逝一老不憊遺昔為暫離別今作長相思戚戚重
戚戚良朋今有誰

張

通一首

通鳳陽人官至都督僉事

遊西林菴

野寺蕭條一徑微
山僧相見語禪機
雲深石洞玄猿伏
煙鎖松林白鶴歸
上界疎鐘通碧落
邊城鼓角送斜暉
浮生自覺渾無定
欲解鳴珂問釣磯

周于德一首

于德號南墩淮安人官至京營都督僉事

平烏刺江

春蒐馬跡遍南荒
夷獠新降罷畫疆
絕壑危巖通鳥道
飛旌疊鼓遠羊腸
黔瀘東下歸長浦
箬峩西來接夜郎
王化遠行銅柱外
炎州萬里盡梯航

張元凱十一首

明詩綜卷四十九

五

元凱字左虞吳縣人蘇州衛指揮有伐檀集元

美云將軍詩格務礫武德負觀其詩寧有瑕壁而無完珉珠汰陳而使

之新非有沉深剡刻之思未易致也

覽觀宮闕苑囿親見齊宮臺壇之盛作西苑詩竊比諷諫之義王長公

序其詩以沈始興曹竟陵為比左虞夷然不屑也左虞沒長公伏日曝

春日游西苑

宣室臨西苑靈臺對籍田
宮鶯迷綠雨廐馬飲清川
柳引金堤直松含玉殿圓
先皇受釐處寂寞鎖春煙

西苑宮詞十首

肅將上帝祀明堂
寶鼎昭回日月光
元獻不須歌舊曲
詞臣昨已撰芝房

秋殿清齋正受釐迎和門外立諸姬大官不進麒麟脯
御撰惟供五色芝

陳詞瘞玉奏鈞天西苑宮牆近籍田水旱恐煩祠后土
未央深處好祈年

夕烽千里照甘泉一紙降魔勅已傳急遣六丁乘羽駕
火輪金甲淨幽燕

靈藥金壺百和珍仙家玉液字長春朱衣擎出高元殿
先賜分宜白髮臣

通天臺上接三台景命重臨清醮開拜舞不同郊社禮
科儀一一聖人裁

香通紫氣靄晴空靈旣神休集聖躬垂拱萬年如一日

明詩綜卷四十九

六

禮臣何必議青宮

金符寶笈護雲英鸞鶴銜將入上清拜受玉霄龍鳳簡
元陽象一字分明

蓬萊方丈可梯航勾漏丹砂近寄將昨貯銀山高幾許
試將玉尺殿中量

瑞氣祥雲薄海濱遠藩齊獻百千春進來白鹿高於馬
馴擾金堦不畏人

李元昭一首

元昭字用晦杭州人世襲千戶有岫嶠山房集

送周虛巖歸吳

返棹歲將晏離亭酒共斟一作亦島雲寒沒影江日凍生陰

莫惜飄蓬跡應傷折柳心丘中別同調聊復理鳴琴

黃喬棟一首

喬棟字以藩晉江人官叅將

半峰蒼聽秀上人彈琴

高僧理鳴琴古調盈人耳濤生松下風龍起鉢中水聽
罷猶冷然月出疎篁裏

張如蘭一首

如蘭字德馨南京濠林衛世襲指揮官至淮徐
漕運叅將以子可大貴贈特進榮祿大夫右都
督有功狗集

吳門夜泊

明詩綜卷四十九

七

帆影初抽落日斜江橋風湧太湖沙行人莫上蘇臺望
無復吳王苑裏花

狄從夏一首

從夏字以忠臨清衛人官叅將

月夜同劉天山作

孤館寒燈夜相看聽晚笳清宵醒客夢明月落梅花碧
海潮聲急清霜雁影斜不堪憐歲暮况復是天涯

袁應鞞一首

應鞞字仲子揚州興化人守備

鄭司馬入塞歌

十載籌邊鬢欲秋玉門生入未封侯君王豈惜師中命

尚有山陰十六州

奚汝嘉一首

汝嘉字子美江都人揚州衛百戶

旅懷

十日雨初霽一年春已殘
苔痕蝕徑滑艸色釀陰寒
昔悔從軍易今悲作客難
殊方有桃李能得幾回看

陳鶴十首

鶴字鳴野紹興山陰人世襲百戶有海樵集王

美云鳴野詩飄宕悽惋顧方吉云鳴野詩初擬貞觀以遲晚得大曆中格錢去病云海樵七古流麗似李頎七絕爽朗似王昌齡詩話海樵家居怪山之麓家庭闕老其女也山上有息柯亭傳是闕老所建而海樵集中翻周山陰張會稽攜酒見訪之作中云相攜直上息柯亭恐是海樵故室中物矣五言如近海潮通郡連山瘴入樓山川留別夜風雪望鄉人孤月長隨棹寒潮自到門鏡蘆松葉暗穿竹水聲

明詩綜卷四九

八

齊明月幾家好故人今夜俱七言如床下鳴蛩偏入夜風前白字不宜秋風塵會面猶難世事傷心只自知細雨殘燈歧路酒清江紅葉寺門舟薄游兩見雁歸塞多病却憎花滿樓高士遠栖滄海曲好山多近永嘉場山深倦鶴猶依樹風定飛螢忽上樓比於田水月歸才辭不及而鑄詞

夜坐見白髮寄別朱仲開張甌江

坐久北風起江聲帶遠沙
客愁初到鬢鄉夢不離家
林靜無殘葉燈寒有落花
懷君夜難寐別緒轉如麻

高郵贈龔山人

近苦江東水轉憐
淮北居入秋嘗白稻留客鱸
青魚樹柵春收犢
穿潮夜灌渠期君結鄉社
同著養生書

泊京口望金山寺

南徐一片石千古柱中流
繞樹開僧舍綠空結梵樓
疎

燈明水底落月挂潮頭向晚禪鐘起風吹到客舟
題楊法部容閒閣

閣傍江城外窗開雲水間祇因塵境遠自覺主人閒日
落見歸鳥月明看遠山移船候潮至相送野僧還

飛盡寫山水

夜來風雨惡落葉打柴關曉起澗溪閣亂雲猶在山

題畫贈姜明府

暮雲春樹路千重雪後看山到處同夜永燈寒無過客
月明江色滿樓中

送張伯淳還關中

憐君獨棹渡黃河西北山川入雍多料得到家春未至

明詩綜卷四十九

九

馬蹄半在雪中過

送王諫北上

東去春潮到驛門半江風雨近黃昏由來知己難為別
不是殷勤戀酒尊

吹笛懷友

玉笛橫吹入夜分中天華月度流雲苕川兩岸春風起
飛盡梅花不見君

池上聽陳老琵琶

夜深池上弄琵琶萬里銀河月在沙莫向尊前彈出塞
只將邊將未還家

陳

第十二首

第字季立號一齋連江人初爲學官弟子俞都督大猷召致幕下教以兵法起家京營出守古

北歷遊擊將軍有寄心集五岳兩粵游草

云季立

不得志繼俞戚之後登壇爲名將拂袖歸里尋聞焦狀元弱侯老而好學裹糧白門離經析疑扣擊累年卒爲名儒論兵論文皆鑿鑿有根據詩話一齋投筆從軍愛知於譚襄毅俞武襄戚武毅三公江陵旣沒論者謂武毅不宜於北徒之嶺南一齋作塞外燒荒行有云年至後嚴防賊出塞燒荒灤水北枯根朽草縱火焚來春突騎飢無食又云隆慶二載譚戚來文武調和費心力從前獎政頓掃除臺城兵器重修飭迄今一十五年間閭閻雞犬獲寧息譚今已死戚復南邊境危疑慮叵測患難易共安樂難念之壯士摧頽色論者不引今昔觀紛紛搜擿臣滋惑又送戚都護絕句云轅門道愛滿幽燕不見烽煙十六年誰把旌麾移嶺表黃童白叟哭天邊誦其詩扼腕於封疆之事深矣一齋儲書最富余嘗游閩臨發林秀才侗持其後人所輯世蕃堂書目求售燈下閱之見唐五代遺書琳琅滿目如披靈藏唐述之藏多平生所未見不覺狂喜秀才許至連江代購踰年得報書則已散佚徒有惋惜而已

歲暮客居呈弱侯

明詩綜卷四十九

十

仲尼本周流忽發歸與歎意在就六經匪爲思鄉串嗟
我老無聞託興游汗漫邈想古通人反側常宵半秣陵
一君子少小登道岸嗜學自性成義易旦夕翫近得從
之談恍上中天觀詩書數千載立語窮真履欣然遂忘
家何知有歲晏

邵武舟次

樵川泛輕舟青山起當面薄霧頻往還奇峰互隱見灘
灘若峻坂下下如飛箭秋容西楚同人語南方變茂樹
雜村煙澄溪勝江練始知溯洄艱轉喜隨流便對景持
一杯幔亭未足羨

禹碑行

岳麓神禹碑何年鐫刻之真蹟雖莫窺宇體殊璋奇儼
如冠冕之獨立矯若鳳鳥之來儀或盼而連目或聳而
並肩或展而雙足或握而兩拳神藏蘊蓄意騁踣躑旣
非鳥跡之踏踏亦非垂露之涓涓篆隸八分抑又邈焉
計歷年之既久何點畫之新妍豈鬼神之默護故歲久
而彌鮮據譯讀之恍惚未必當日之真傳余過長沙弗
覺偶至湘潭返船直肩輿而迅步遂冒雨而陟巔喜胸
襟之豁滌獨坐翫而弗旋昔韓退之嘗千搜而萬索至
咨嗟而涕漣余實迷途之未遠無亦此生之宿緣

山中早秋

春夏詎能幾淒淒白露還秋容先到草客意未離山石

明詩綜卷四十九

二

鼠窺禾去清蟬抱樹閒人生衣食外焉用苦間關

江心寺除夜

偶過江心寺何期又歲除百年俱逆旅信宿即吾廬岸
隔遙沽酒厨寒剝煮魚客游隨處好鬢髮任蕭疎

客中立秋

蒸濕前朝雨淒涼今夜風秋聲先蟋蟀露氣到梧桐頓
覺絺衣薄尤憐旅橐空潞河問舟楫明月向吳中

閩關旅夜

已是吾鄉土離家尚十程疎窗通野色孤枕傍松聲搖
落秋難賦悲歌夜不平僕夫催曉發燒燭待雞鳴

南岳舟中

吳門一水接楚塞衆山連書史同昏且江湖且歲年洲
迴蘆葦莽檣動燕翩翩何處爲南嶽雲開望杳然

維揚謁文信公祠

萬死艱難地千秋伏臘新山河終破國天地已成仁江
橋南中像巖松雪後春徘徊歌正氣不覺淚沾巾

過薊州

燕京八千里復作薊門行剩有溪山興能忘沙塞情朔
風摧短艸寒月近長城流涕二三策何人似賈生

追懷宜黃大司馬譚公

昔年飄泊入燕京制府憐才意不輕獻策獨過司馬署
分符旋赴薊州營祇誇相國知韓信無復功臣妬賈生

明詩綜卷四十九

十一

秋草春風今日淚不堪回首楚江城

元夕宿泉州洛陽橋

春風又渡洛陽橋柳色青青伴寂寥回首故園今夜月

滿江燈火上寒潮

李言恭

六首

言恭字惟寅岐陽武靖王裔孫襲封臨淮侯環
衛侍直留守陪京加太保有青蓮閣貝葉齋游

燕諸集

穆敬甫云臨淮詩清遠有調庶幾大曆中語胡元瑞云
敬美序臨淮詩郭定襄後一人咸謂是錄予以惟寅文雅

尚當過之

惟寅詩風氣婉弱時有韻

致如夢回芳艸遠人去落花多藝苑至今傳之

詩話李惟寅詩如四姓小侯橋門列
席雅容華帶味吟彭蠡之氣都盡

花朝

二月寒猶峭燕山雪未消春來無州色病裏又花朝鴻
鴈鄉書斷關河旅夢遙武陵溪上約今已負漁樵

賦得匡廬山高閣望鄱陽湖

匡廬凌碧落青磴與塵分湖海遠還見雷霆低不聞石
門鳴宿雨瀑布濕流雲獨有山人屐常隨飛鳥羣

送陳玉叔郡守淮陰

別思深難遣離魂暗欲銷人隨流水去心共暮雲遙野
寺懸高岸江城響夜潮所嗟相憶處風雨正蕭蕭

送仲弟南還兼懷老親

無限離愁匹馬前况多風雨斷鴻邊板輿未得歸潘岳
春艸何堪送惠連伏枕夢回滄海月登臨望極白雲天

明詩綜卷四十九

三

飄零若見高堂問雙鬢休言異昔年

李僉憲招飲黃鶴樓

勝地慚非作賦才清尊今向大江開當年黃鶴雲中去
何處梅花笛裏催一作風起卷潮聲喧島嶼日斜帆影上

樓臺相逢俱是他鄉客衰艸淞陽漫復哀

顯靈宮

先帝祈靈太乙祠重來空憶翠華旗殿中香火儀猶具
海上仙人事轉疑客與方書閒指畫老來詩律舊心思

調高身健慚時輩高閣憑闌眼故遲

詩話京師顯靈宮在宮城之西長陵建以祀王靈官者也靈官藤像長陵每載之軍中有禱輒驗及金河川界不可動宣德初拓其祠額曰大德顯靈宮復建東西二閣嘉靖三年管龍虎殿以奉元武馬閣中留題者衆以惟寅為擅場其云海上海上仙人者相傳藤像獲之東海中

時臣字中甫鄞縣人有甬東山人集陳叔子云中甫詩頗有高峯遺

調

入主

詩話中甫以避仇客歷下與李中麓楊夢山切劘酬和既轉客青州衛莊王邸起高樓東向眺遠樓成王於望後四日置酒召客時日景既盡疎星尚微王未肅客坐憑闌語笑已而月上王歡甚因命曰待月樓詩

王賞擊謂得待字義手觴奉之俾居客自晚客藩宣王所客已河南中甫年六十治生擴於句章之夕陽里自撰墓銘後十年乃卒歸櫬葬焉

詩品在中麓夢山之間同

時更裾王門者多遜之

古交 襄陽蹋銅蹄

青蒲沒漢水白馬度襄陽男兒但得意何處非故鄉

山中吟

桃源渺何許武陵萬仞山緬想秦時人生死桃花間

明詩綜卷四十九

古

來逾千載曾無幾人間桃樹摧為薪桃源平作田雞犬入租稅焉可住神仙

古交州古劍歌

古交州天陰日落鬼啾啾終宵白氣衝牛斗過客往往驚回頭主人知此有靈物呼兒掘得雙吳鉤螭蟬半蝕銅花綠淒淒霜鏹寒光流古來異物不易取令人得之反生憂放之唯恐蛟龍怒卷之猶畏神鬼愁亟命治人復解鑄神器恐遭真宰怒不然仍貯空匣中恣爾含光在泥土

秋田為李生得衣字

明農兼課子田舍有書幃穉經霜初下雞豚秋正肥西

風菰米飯落日豆花扉已得遺安計無嫌老布衣

夜懷

起來喧不減策策動涼風月暗蟲聲裏人孤樹影中南
堦寒尚早北地候難同想到鄞江上秋花滿舊叢

留別少府子魯

木落見中州遙連白帝愁黃河臨斷岸明月上孤舟作
客已多歲還家又暮秋思君西下日寒葉滿江流

次李大參韻留別

河北中秋盡江南九月歸艸深藏虎穴潮滿上漁磯田
舍春新稻山妻補舊衣到家貧自得莫怪與君違

金山寺

明詩餘卷四十九

五

萬古一卷石東南何壯哉半江截吳楚兩岸瞰樓臺僧
飯蕪城乞人煙鐵甕來春深龍聽法風雨帶潮回

諸公邀登甘露寺留別

天風飄忽芎袍輕兩度登臨慰客情疎磬雨催山寺曉
亂帆春放海門晴江迴鐵甕三吳盡潮過金陵七澤平
明日別離何處問斷腸煙樹漫蕪城

再經鍾吾懷許兵馬

去日黃河邊水深不可渡故人久不回今作行人路

鄭若庸

五韻

若庸字中伯崑山人有蝓蜨集

李時達云山人與茂秦齊名其詩風格稍弱

詩話中伯也福王門妙擅樂府嘗填玉珠詞以仙院妓一時白門楊柳少年無繫馬者掌伎患之乃釀金數百行薛生近究作繡襦記以雪之

秦淮花月頭復舊觀承平勝事雖小堪博今之
秋宛寒鷄想像昔年之酒旗歌扇良足豔也

秋涉

蒼山崖巍照秋渚紅樹離離夕陽渡行人涉水更看山
馬足凌兢來復去雲際人家望欲迷松關蘿徑隔煙扉
山僧臥穩西巖寺時有鍾聲落翠微

王內輔三泉將命太嶽

神嶽蟠中極凌虛勢自孤星辰低絳闕雷雨護清都山
色遙連蜀江流直入吳金箱有靈秘到日佩真圖

衛水離歌

天涯何處客愁新濁酒初酣欲問津莫道三秋歸計晚
尊前猶有未歸人

明詩綜卷四十九

去

送張甘葉刺史

衛水樓船曉向東青山南望一重重因君此別增鄉思
目送春帆細雨中

丁小山赴浙東藩幕值余清泉賦別

清秋衛水汎樓船京國逢君已十年漫對綠尊悲白髮
天涯去住一凄然

顧聖少

聖少一作字季狂吳江人

留別謝茂秦

相對忽不樂愴然傷我心他鄉有同懷胡為遽分襟憶
昔醉燕市擊筑誰知音意氣獨吾子排難輕千金重以

易水歌兼之吳會吟論交豈不遠投分遂至今我亦慕
三閭南去湘之陰楚山一何長楚水一何深他日遙相
思鹿門還可尋

送李汝學還上黨

傾蓋同為客攜尊復送君悲涼誰作賦南北此離羣坂
沒羊腸雪山橫熊耳雲相思豈無鴈可待九秋聞

尤嘉一首

嘉字子嘉嘉興人有西陵集

詩話子嘉亦趙康王客穆徵甫錄其詩以此謝四溟句如偶因看竹來
僧院不為求魚坐釣磯頗有自適之趣康王賓客無多而吾里有二其
一則仲舍
人春龍也

送劉山人往太原謁梁李二使君

明詩綜卷四十九

七

平原日落雁聲寒送子西游歲欲殘共惜異鄉裁別賦
更於何處解征鞍山橫熊耳尖如削路遠羊腸曲似盤
自是陳蕃能下榻匣中長缺不須彈

徐渭 十三首

渭字文清更字文長山陰人有櫻桃館集

陶周望
云文長

詩雜出於中晚宋元往往深於法而略於貌 袁中郎云文長詩有一
段不可磨滅之氣如嗔如笑如寡婦之夜哭騷人之寒起當其放意平
嗜千里偶爾幽峭便是鬼語荒墳 陳臥子云文長亦有正音 李舒
章云文長詩材粗點雅人所少然其一往有雋處如部曲少將新踏紫
駝

詩話文長詩原本長古間雜宋元流派所謂斐然成章不知所以裁之
者其自評云吾書第一詩二文三画四然詩文未免繁蕪不若画品小
塗大抹狼
高古也

入燕

董生抱利器鬱鬱走燕趙賤子亦何能飄然來遠道行
止本無常譬彼雲中鳥朝飲西園池暮宿北林杪感事
復懷人生年苦不早欲弔望諸君跡陳知者少垂首默
無言春風秀芳州

柳元穀以所得晉太康間家中杯及瓦券來易余

手繪

遙思冢中人有杯不能飲孤此黃兔窰伴千三百稔券
鏹四百萬買地作衾枕想當不死時用物必弘甚尊壘
羅寶玉裹袂賤繡錦豈有織織指捧此鍛泥蕈存亡隔
一丘華寂迥千仞活鼠勝死王斯言豈不審

送蘭公子

阿翁學師
也揚州人

明詩綜卷四十九

文

耶溪芹藻色相伴秋荷老公子竭重來傷心那可道會
日苦無多相別一何早八月廣陵濤一葉渡殘照

俠客

結客少年場意氣何揚揚燕尾茨菰箭柳葉梨花槍為
弔侯生墓騎驢入大梁

陰風吹火篇呈錢工部

陰風吹火火欲然老臬夜嘯白晝眠山頭月出狐狸去
竹徑歸來天未曙黑松密處秋螢雨煙裏聞聲辨鄉語
有身無首知是誰寒風莫射刀傷處高旛影臥西陵渡
幡底颯然人髮豎髑髏避月攫殘黍中流燈火青熒熒
饑魂未食陰風鳴莫言墮地永為厲宰官功德不可議

詩話此美錢工部能憫國殤召僧茹食而作陰風吹火八句句句警策
具體長吉而得其骨髓者也以下嘽緩拖沓去嘔心人遠矣稍為芟易
存之結語尤
索然無味

春日過宋諸陵

藁葬未須憐生時已播遷威儀非舊典世代是何年過
客悲山鳥王孫種墓田回看隴頭樹似接汴京煙

嚴先生祠

碧水映何深高蹤那可尋不知天子貴自是故人心山
鷺消春雪江風灑暮林如聞流水引誰識伯牙琴

飛將遠從戎翩翩氣自雄椎牛千嶂外騎象百蠻中銅
柱華封盡昆池漢鑿空雁飛真不到何處寄秋風

明詩錄卷四十九

九

與客登招寶山觀海遂有擊楫峇港一窺賊壘之
滄海遙連雉堞明登臨喜共幕賓清千山見日天猶夜

萬國浮空水自平不分番夷營別島願圖方略至金城
歸來正值傳飛捷露布催書倚馬纓

岳公祠

墓門朱戟碧湖中湖上桃花相映紅四海龍蛇寒食後
六陵風雨大江東英雄幾夜乾坤博忠孝傳家俎豆同

腸斷兩宮終朔雪年年麥飯隔春風

宴游爛柯山二首

偏裨結束佩刀弓道上逢迎抹首紅夜雪不勞元帥入

先擒賊將出洞中
羣兇萬隊一時平
滄海無波瘴嶺清
帳下共推擒虎將
江南只數義烏兵
白鷗池水拍天平
相對瓊樓入太清
試問歌臺生艸處
當時可許外人行

沈明臣

九首

明臣字嘉則鄞縣人有豐對樓集

莫廷韓云嘉則詩
豪俊清婉情至之

語足無

古人

詩話嘉則文長同在胡少保宗憲幕府並受少保知遇督府周防嚴密
文長恒戴傲烏巾衣白布潄衣非時闖入或出昵飲夜深猶開戟戶以
待嘉則嶽嶽不阿少保遙望見必起立嘗謚將士於爛柯山酒酣樂作
嘉則於席上賦凱歌十章吟至狹巷短兵相接處殺人如刈不聞聲少

明詩綜卷四十九

二

保起持其鬚曰何物沈郎雄快乃爾命刻石置山上及少保死請室中
嘉則走哭墓下持所為誄遍為訟寃比於文長懼禍發狂者相越矣嘉
隆間士大夫以篇什相高最繁富者莫若弇州於時吳明卿之獻輒洞
汪伯玉之大函李木寧之大泌山房諸集以及劉子威馮元成余仲房
屠緯貞之徒糟丘肉林愈多愈穢下及布衣如王承父王百穀輩咸以
多相尚嘉則先後發詩七千餘夫安得精然然之承父則雖饒腐齒聞
有神芝即屬芴芻不無嘉蔓非若
諸君之叢菁荒茅紛然彌望也

大樹村劉氏少婦打虎行

潤州城南山簇簇四月麥黃桑柘綠大樹村頭劉氏居
短墻幽院參差屋曉炊未罷日始高寧地猛虎來咆哮
老小出門盡驚走犬亦吠虎聲嗥嗥虎聞犬聲急轉步
一口斃之如搏兔欲從虎口奪狗還老嫗抱孫逢虎怒
劉家少婦奪老姑氣猛視虎如匹雛手持鋼叉刺虎目
虎血濺面紅糝糊昨從大樹村前走少婦滌場猶髻首

弱體孱然花不如徐家女子劉松婦

抗首

抗首望西秦朝廷急用人玉關疎控扼紫塞滿荆榛痛
昔籌邊賦錦衣衛經歷沈鍊所上有賦憐君侍從臣誰為謝安石談笑淨

風塵

送箕仲之衢州

古路三衢外青山太末餘樵迷仙子質廟過偃王徐楚
橘秋全熟吳楓江漸疎舊游題石處好為一躊躇

顧晉卿席上聞其弟益卿憲副南越之捷喜而賦

之

廿年豺虎劇縱橫百粵遙傳一日平再睹樓船橫海出

明詩綜卷四十九

三

更標銅柱伏波名天青馬嶂春銷甲雨過龍川夜洗兵
誰道虎頭非將種請纓原只是書生

浣紗石

不見浣紗人空留浣紗石石邊春艸痕想見羅裙色

凱歌

銜枚夜度五千兵密領軍符號令明狹巷短兵相接處
殺人如艸不聞聲

蘭皋竹枝

東村西村姑惡啼家家麥熟黃雲齊春鷺作繭桑園綠
睡起日斜聞竹雞

過崑山

桃花楊柳共西灣曾唱菱歌帶月還春色茫茫今莫問
滿城煙雨過崑山

無題

夢裏相逢恐未真世間何物不傷春馬蹄明日天涯路
誰是燈前昨夜人

王寅

寅字仲房一字亮卿歙縣人有十岳山人集

汪禹

亮卿詞

意超逸
詩話仲房少走大梁問詩於獻吉不遇遂從少林僧習兵法海上用兵
依胡尚書督府尚書不能用竟以敗晚緝鄉人之詩曰新都秀運集其

持論頗偏與岳東
伯今兩瑤華相類

吳山秋晚

明詩綜卷四十九

主

有客閒居無奈閒為看秋色一躋攀百盤細艸斜陽路
三曲澄江隔岸山野寺最宜紅葉後孤鐘偏在白雲間
賞心又得逢僧話此後幽期數往還

答金在衡訊歸

秣陵官樹葉初飛客路何人為授衣我亦驚秋同海燕
故鄉端在社前歸

康從理

從理字裕卿永嘉人有二雁山人集

胡元瑞云裕卿
近體閱麗翻

布衣
之雄

詩話裕卿任俠談兵間關戎幕劉將軍子高建勳毘陵病革裕卿馳赴
與訣經紀其喪扶其柩至武林遠近皆義之居燕借黎惟牧輩游西山

其倡和詩僅存餘多散佚
木倉曹子念收而刻之

再至京口有懷金焦舊游

層城舒遠目迢遞送歸鴻歲月更新曆江山憶舊蹤鐘聲春浪靜燈影暮流空媿有東林約無因問遠公

同王必漸言懷

江頭木落鴈初飛客子傷心賦授衣鄉夢不緣千里隔浪遊空說半生非雲山是處堪招隱塵海何年可息機漫向天涯愁極目幽懷已負北山薇

無射懷顧太學

登樓風雨暮蕭蕭久客離魂黯欲消楚樹吳雲春寂寞塞鴻江燕歲迢迢新愁芳艸天涯路舊事梅花月下簫今日分飛悲萬里憑闌搔首思無聊

明詩綜卷四九

三

送陳京兆致政還白下

挂冠東去共稱賢天外浮雲意渺然不是逢萌因世難祇緣弘景嗜神仙琴中白雪驚人調江上青丘負郭田無限長于花柳色春風不乏杖頭錢

郭造卿

造卿字建初福清人諸生為少保戚繼光幕客

葉進卿云建初詩諸體無不工

寇退鄉人回口占代書

城南烽火近何如留滯無從訊起居百里便同千里隔家書翻比捷書疎清秋涕淚唯懷土白髮庭闈正倚闈欲寫愁心愁不盡憑君傳語到吾廬

王翹

翹字叔楚蘇州嘉定人嘉靖中倭亂嘗居幕府贊軍事有小竹集

詩話叔楚工画竹予嘗觀其真蹟爲賦長歌不知其幕府才雄也邑人侯大年述其繪竹蟲更精惜未得見小竹集一冊中間贈酬諸將之作多居

賞火謠

并序

吳城六門莫盛於西閫六月初賊舉火焚楓橋達晝夜時宰坐睥睨間飲酒顧望無異平日時烈風大作煙焰蔽天不辨咫尺哭聲遍城内外或指城上云勿啼哭看城上賞火吁有是哉

賞火謠

明詩綜卷四十九

五

金閫門外賊火赤萬室齊燒纔頃刻城頭坐擁肉食人對火銜杯如賞春城中哭聲接城外宰獨何心翻痛快憤兵獨有任公子夜半巡城淚不止縋城躍馬出沙河義師都向湖心死

客夜

山月漸高低燭光有客逗溜衣滿霜淒淒獨夜還自語茫茫一水遙相望黃花勸酒酒不醉白石放歌歌轉長弧矢天涯男子事錯將岐路卜行藏

秋懷

碧天大火未全收一雨空庭帶葉流不爲無家悲落莫他鄉燕子早知秋

明詩綜卷四十九

明詩綜卷四十九

三五



明詩綜卷四十九

明詩綜卷五十

小長蘆 朱彝尊 錄

率水 程道原 緝評

陳淳 二首

淳字道復後以字行別字復甫長洲人國子監

生有白陽集

張石川云白陽從游衡山稱入室弟子有雲林之瀟灑而無其癖同石田之高潔而通於和所謂遠

性風疎逸情雲上者邈 錢功甫云先生詩瀟散閒雅恬澹自然如梧桐半階月楊柳一簾風流水去無住停雲意自閑晚涼生竹鴉新水溢花渠成臻妙境

道復少師徵仲天才秀發工

寫生一花半葉淡墨斜非画工可及也詩取適意不求工

靜志居詩話白陽寫生全學石田詩亦倣之特少神解耳

画梅

風引上春香雪弄南枝色為有惜花心樓中莫吹笛

明詩綜卷五十

聞鳥

重重煙樹鎖招提野客來尋路不迷纔過板橋塵土隔

落花無數鳥爭啼

彭年 一首

年字孔嘉長洲人有隆池山樵集 徐伯臣云孔嘉詩中含沉鬱之思外

被組織之華聲調和平詞致暢越可謂風流自命者也

王元美云彭孔嘉如光祿宴使臣鉅飭詳整而中多存物

詩話孔嘉人品足亞徵仲何穉孝長歌云蔭

池虞士彭孔嘉徵仲並孰吳人誇特詩不及

庚申秋書事

內廡傳焚廿四坊錦雲花隊一朝亡渥洼未見來天馬

槃木無聞貢白狼此日朝廷思李牧他時文簿抑陳湯

運籌急為攄長策薄伐宜城古朔方

陸 治二首

治字叔平吳縣人歲貢生有包山遺詩

詩話叔平遊道復之門當時鄉曲之論謂詩得其興
畫得其趣然叔平画以工緻勝詩則與道復同流

治平寺納涼

竹根雨過石苔斑鐘梵蕭然晝掩關坐愛微涼生碧殿
忽看飛雨失青山雲分暝色來天外風卷潮聲落樹間
最是晚晴宜眺聽夕陽橫抹蓼花灣

桃花楊柳舞鴨圖

二月吳淞水上灘柳絲風急絮漫漫詩翁賦罷閑凭處
花滿春池鬪鴨欄

錢 穀一首

明詩錄卷五

穀字叔寶長洲人有懸磬室詩

詩話叔寶貧無典籍遊文徵仲之門日取插架書讀之以其餘力點染
水墨超入逸品晚首做盧題曰懸磬室王元美為賦詩所云空梁頗受
落月色北窗靜皎涼風眠者是也手抄異書最多至元不倖做野虎臣
吳都文粹編成續編聞有三百卷其子功父繼之吳中文獻籍以不墜
與公瑕伯穀泰
走相門者遠矣

夜登虎丘次韻

遙憶梅花閣還思修竹林煙迷山徑窅雲鎖石苔深香
界期重宿筠亭擬更臨悠然停采艦燈火晚陰陰

居 節 四首

節字士貞吳縣人有牧豕集

士貞画法簡淡
有宋人之風画家多稱之

而鮮有知
其能詩者

詩話商谷繩削斤
并不失晚唐家數

晚坐

鴉背夕陽盡柴門暮色初山寒漸風露人語半樵漁落
葉聞碓急蘆花映日疎年年楚江上不見雁將書

雨後

綠嶼青林白練溪州深市井路全迷雲將片雨歸何急
麥釀輕寒秀欲齊一水遙連蕭寺外千山不斷石橋西
欲營三徑添松菊立盡殘陽見鳥栖

重題自画小景贈戴子文去画時四十年矣

點染青山四十年寸鎌不改舊風煙散人漫竊江湖號
未買松江一釣船

村居圖

明詩綜卷五

三

茅簷日暖燕交飛雲過牆陰濕翠微中酒經旬掩關臥
蒼苔渾欲上人衣

周天球一首

天球字公瑕長洲人諸生

中秋長干曲

玉笙低引紫簫長不許商音斷客腸聽到月斜纔入破
飛來七十二駕鸞

王懋明一首

懋明字僅初長洲人僑居錫山

毛氏樓居即事

為樓山郭外登眺起幽思片雨沉江暗孤煙上嶺遲鴈

還逢寄字花發滯歸期遠念吳山勝春遊恐後時

姚咨二首

咨字舜咨無錫人有潛坤集

桂亭為豫章萬隱君賦

南山鬱秋霽重巒桂花白高人愛巖棲躋攀理輕策覽
彼雲木秀悠然縱所適結亭青林端幽賞非矯迹冷風
吹霞裾涼月挂石壁襲芳和天倪餽實駐顏色淮南詎
可招此意良自得願貽瑶華音一慰山中客

西樓席上聽梨園琵琶戲贈

少年文采復風流適意湖山竟日留老去不忘歌舞興
琵琶猶載木蘭舟

明詩綜卷五

四

周詩

詩字以言崑山人有虛巖集

皇甫子循云山人詩婉麗以會景俊逸以宣情春容

達氣真得古人之髓 王元美云周以言如中智此務雖乏根具不至出小乘語 詩話虛巖頗與皇甫昆弟酬和故派亦近之其言云詩之淵妙近體難工而鮮叛逸體易似而實離倩衣毛鷓借飾西子始夢髣髴終露未來作者既非匠心覽者又皆庸目乃曰甲幾魏晉乙庶齊梁是何古人之多也斯言可鍼厄言詩數之膏肓

靈隱寺

靈隱何年寺青山向此開澗流元不斷峰石自飛來竹
覆空王苑花藏大士臺冥探有玄度莫遣夕陽催

唐詩二首

詩字子言無錫人有石東山房彙

九日登牛首山

牛首登高處黃花細雨前山深寒似臘江遠澹於煙寶
刹珠光淨金陵王氣連六龍曾駐輦聽話武皇年

采蓮曲

風微波不起日暮未迴船貪看鴛鴦鳥時時誤采蓮

沈仕一首

任字子登杭州人刑部侍郎銳子自號青門山

王道思云青門樂府古詞雜咏遊適之作麗而有則風致蕩然邊關
人諸詩意氣激發於聲律之外殆雄心俠氣有不能自釋者邪 岳東
伯云青門身本賈介志則清真野服山中江遊海覽新篇雅調遠
適齊稱翰墨丹青兼能游藝信乎野鶴之在雞羣祥麟之遊郊外

村居春日

柳堰迷丹日蓬扉啓綠煙人間啼鳥外興劇落花前野
色連三徑山光滿四筵鷓鴣如可解堪作酒家錢

明詩綜卷五十一

五

陸楫

楫字思豫上海人承父深蔭入國子監讀書有

兼葭堂橐

次韻送顧龍山南歸

官河春水送行舟君去匆匆不可留須信故園春正好
莫因風雨駐揚州

牟嘉敏八首

嘉敏字寅定黃巖人有霞溪漫橐 趙方崖云先生以
布衣處窮谷游情

景物能自得師於語言之外
而不越乎尺度矩矱之章

擬古二首

驅車出門闌車行復遲遲百州委霜露涼風正淒其天

寒道路艱問君將何之
駕言往宛洛相從遊俠兒遊子
去萬里旋歸竟何時安得附飄風
致此殷勤辭

灌木產崇崗鬱鬱蔽層丘
芳艸依澗側託蔓相綢繆美
人隔遐方宜爲君子仇未及登君堂
歲月條已道慨彼芙蓉花
爛爛當清秋采采欲爲贈
道路阻且修願君保明哲
妾心亦何尤

遊江心寺登康樂亭子

輕舸截奔浪水國散微陰
泂泂眺孤嶼寶塔凌雙岑
茲遊夙有期始得遂幽尋
澗室接梵語花臺遶龍吟
澗漾元氣中日華映珠林
謝公有遺蹟孤亭俯江潯
曠懷寄玄賞海嶠振薇音
清芬詎可挹高情傾古今
西堂夢不

明詩餘卷五十

六

返池艸春自深

同方用晦遊西谷

褰裳涉西沚披莽散輕屨
稍觀山川異煙火隔墟落
沿澗傍溪曲窈窕入穹壑
幽尋葛可捫晻曖路疑錯
巖雲冒巾幘霏翠灑林薄
汲深俯重淵采秀跡崇岬
坐聆伐木音益感良遇樂
返策復流憩逍遙展歡詭
眷茲丘園賞胡爲就羈縛

漁家用從姪存勇韻

茅茨傍江口斷岸依漁梁
榜舟蘆花渚聞歌和滄浪
日出水禽散風至蒲帆張
青篲濕不解臥看南山蒼

送馬斗南歸揚州

去年九月黃花秋邂逅與子城南遊高才磊落不易得
竟日尊酒情淹留三年爲客風塵裏末路相逢即知已
禹穴探幽興未窮梁園作賦詞堪擬一別嗟余還故丘
聞君亦欲尋歸舟萍蓬蹤跡本無定使我感慨增離憂
一片孤帆向何處日落雲橫廣陵樹天姥峰前送月明
姑蘇臺畔聽鴻度江煙慘淡江州青衆賓沽酒雙玉瓶
別君惆悵不忍去碧雲回首天冥冥

觀古壁画山水歌

危樓百尺凌空起古壁丹青画山水淨掃浮埃據榻觀
筆跡何人乃能爾想當盤礴時巧思妙入神宵中羅萬
象寫出皆天真廻峰疊嶂開嶙峋白波浩蕩渺無垠仙
人宮闕擁出碧雲裏宛如三山隔水無通津松間白鶴
呼不下却思整翮凌蒼旻超然風景異人世四時花木
相鮮新溪林冥密碧艸合又如花源有路通秦人蒼茫
遠勢尤莫測渤澥崑崙看咫尺一葉漁舟歸未歸洞庭
秋淨湘煙碧野橋沙岸曲徑通高樹下有長髯翁恍如
著我圖画中手攜雲鏡倚青松萬籟不起千山空仰天
一嘯看飛鴻

青田溪上

月出高峰潮上灘叮嚀舟子放舟還蒲帆不掛春流急
又過前溪白鷺灣

體文字字仲約號寄委江陰學生有友錄彙

劉應仁云詩委

詩靡有承襲

或一家言

詩話仲約早辟學官肆志詩律築耕舍於郊西有田數十畝力耕而食
賓至必浴酒酒酣賦詩詩有云得魚便覓酒有酒且留人如此即爲樂
何須復若貧無魚亦無酒宜主不宜賓如此即高臥何愁不及晨可謂
達生之士矣平居詩不留草其友花左室見輒手錄之故名友錄彙五
言不爲舊格所拘頗自超脫是時五岳十岳諸山人率
以章布效縉紳語未免可憎葦蕪中有此人大是不俗

雜詩

三首

林間慈烏鳥哺母聲鳴鳴城上雙鳴梟破巢還啄雛
鷹飽食肉勁翩翩平蕪不擊城上鷗但擊林間鳥

漢家有通儒窮經三十年腰下鮮尺組囊中無一錢出
門逢高車呵者當其前問之彼爲誰牧兒新助邊

明鏡不在遠救臺當目前只言他人姪長謂自己妍人

明詩綜卷五十一

八

亦不能別鏡亦不能宣遂使效顰子翻希惑者憐

三月晦日作

造化如驅車春歸一何早本爲天地客又復客中老
榮華已潛奪安得顏色好君看庭下花開者行當掃

宴起

老覺春無賴朝來起最慵鳥聲殘夢裏花氣宿醒中
樓日連城下池風過苑通却悲寒食節歲歲客江東

王 襪一首

襪字宗順泰州安豐場人處士良仲子自號天

南逸叟有東崖遺集

詩話東崖隨父心齋之會籍傳陽明良知之學吳興沈桐贈之詩云
子賢者後至理早已融譬彼三世醫指授寧無從詩其餘事然如一室

漫成

風過雨三更月到窗好雨應宜早秋花不恨遲坐雨新亭曉聞
潮落月時老攜杖屨歸山谷開看兒孫種水田亦有活脫之趣

青春去何速白髮將奈何豈乏大藥資而不棲巖阿擾
擾苦勞生所得諒無多古人貴聞道道在焉問他

岳

岱岱字東伯蘇州衛人有漳餘子集

詩話東伯集交友詩為今雨
瑤華猶存次山篋中遺意

征南

安南易姓舊相因封賜還應到海濱萬里版圖曾郡邑
殊方小醜亦君臣炎風毒霧煩諸將翠羽明珠入紫宸
想見乞降矜面縛天威此日轉陽春

明詩綜卷五十

九

方學漸

學漸字達卿桐城人貢生有連理堂集

詩話方氏門才之盛甲於皖口明善先生定審其源東南學者推為職
志焉如東征句云豈謂憑陵愁日本至勤師放出中原宛然空同華野
警

白雲巖

磴道斜飛瀑巖花半入雲望中孤鳥沒天外一江分竹
柏山樓色旃檀石鼎熏軒然長嘯發清興好誰聞

方學箕

一首學箕字紹卿學漸從弟有卷石山房彙

劉慎吾贈石

怪石從何得玲瓏自可憐感君同白壁置我小窗前

張士淪一首

士淪字心崑山人有張氏集

送人還京

臨岐一別酒惆悵故人違落葉雨中滿歸舟江上稀路
將天欲遠帆逐燕同飛去去還鄉樂無勞淚濕衣

陳鳳 三首

鳳字羽伯更字鳴岐無錫人有石邨棗

穆敬甫云山人不務

奇詭而意

象悠然

詩話明詩人同姓名者甚夥然猶世代相去字里未同至金陵陳鳳字羽伯梁谿陳鳳亦字羽伯兩君詩皆平平既無春城寒食之作可別韓翃兩泚沒耳

春夜阻舟尤村渡華子攜酒見訪

明詩綜卷五十

十

盤谷春雲覆竹扉夜船燈火宿霏微故人何意一尊共
野渡不堪孤鴈飛世路波濤渾不定客程風雨竟誰依
重來應待晴芳好柳絮桃花滿釣磯

宿尤邨渡同李思齊

寒煙蒼蒼溪路昏月出斷岸溪光分孤舟畏險不復渡
兩人對酌皆成醺苦憐白日易華髮所喜青天無片雲
櫂歌漁父杳然去縱橫野水蘆花村

雨中客至

新水柴門漲碧沙孤邨煙樹隱漁家客來湖上偏逢雨
春到江南又見花沽酒隔鄰傳小甕打魚深夜出枯槎
浮生莫遣浮名誤醉裏還驚兩鬢華

察卿字邦憲松江華亭人有朱邦憲集

集

荆軻

名首無功壯士醜函封可惜將軍首秦廷一死謝田光
社稷何曾討存否不知秦王環柱時舞陽在前何所為
當時太子不早遣待客俱來事未知

對簿詩

日出雪不消天寒日亦冷蕭蕭枯楊下危墻見人影對
簿慚予來公門日延頸囚服僮僕唾囊空吏徒屏懷刑
媿君子惡慝時自省嗟彼羣凶心持石待下井

雨中感懷

明詩綜卷五十一

十一

春雨久不歇春寒戀衣裳駟馬斷委巷蝸牛蠹空墻臥
讀感舊篇惻惻各悲傷人生貴適意所就何短長屠狗
足成名秦龍終亦亡虎鞞腐泥沙繭絲成文章物理有
盈虧人情空較量不如典春衣沽酒澆吾腸

江南

江南千里暗妖氛野哭家家不可聞落日羣狐窺白骨
荒林萬馬臥黃雲將軍不下征夷令使客空傳祭海文
試問九重宵旰處殿頭香氣正氤氳

吳

擴二首

擴字子充崑山人有長吟閣橐貞素堂集

謝茂秦云子充

吐詞新麗

不減唐人

詩話于充游天人以成名嘗於元巨賦詩懷分宜閣老其友聞之笑曰
層頭第一口懷中朝第一品官循是懷人即歲除亦輪不到吾輩此可
入啓顏錄嘉靖間山人若呂中甫謝茂秦之徒排難
報恩不無可取若于充所謂斗筭之人無足算也

懷伯兄

老至無家別飄零何處邊音書嘗不定生死竟誰傳朔
鴈驚秋思陰蟲攪夜眠空庭孤月下顧影一潸然

國子漂母祠

賢哉一飯恩千載猶廟食如何漢諸陵寂寞生荆棘

鄭玄撫一首

玄撫字思祈歛縣人有梧野集

折楊柳

孃孃河堤柳年年送別離攀條不忍折拭淚強相持弱

明詩綜卷五十

三

態君應惜柔情妾自知春來愁幾許試看向南枝

汪寬一首

寬字子敬祁門人

鸚鵡

被寵翻遭繫能言太逼真主恩非不厚野性詎能馴去
國長憐爾呼名輒應人江南盛雲木何似隴山春

邵正已一首

正已字格之休寧人有玄石山房州

詩話格之專精
墨務詩亦斐然

銅雀臺

寂寂銅雀望飄飄總帳懸君王遺令日是妾斷腸年舞

影傷羅綺歌聲咽管絃西陵松檟冷日夕鎖寒煙

吳錦一首

錦字有中休寧人有吳有中詩集

送金伯謙北行

浮雲西北征客心渾不住到日屬秋深寒生灞陵樹

吳瑗二首

瑗字子欽歙人

采蓮曲二首

泚泚蘭漿鳴雙雙屬玉起不見采蓮人知在蓮花裏

采得雙蓮蓬中有百蓮子一一自生心外面空相似

吳瓊二首

明詩綜卷五十一

瓊字邦珍休寧人有紫芝社稟

歲暮書事

海上猶多壘江東未息兵如何觀察使遽報武功成寒

沍凝春令陰霾蔽日明不堪黃浦路雞犬寂無聲

旅邸除夕

老至謀仍拙天寒酒易消冰霜愁裏過鄉國夢中遙一

歲祇今夜百年能幾宵病懷堪自遣無復歎蕭條

葉一清一首

一清字本靜祁門人

王仲房云本靜詩格稍落而意旨融洽

遣興

頗怪逢迎嬾經旬不出谿州堂一夜雨新漲忽平堤翠

篠吟風細青霞壓樹低滄洲意不淺獨坐領鳧鷖

汪少廉一首

少廉字古矜休寧人有汪山人集

邊憤

漠南在昔王庭少內地而今戍鼓多何將突營騎白馬
先朝失計割紅螺虛令互市通蕃貢翻遣降王解漢歌
獨喜郭侯曾一戰十年瀚海不揚波

程一首

程一首
栖字來周休寧人有大石山人藁

東原

翠竹孤村合黃花曲徑饒租完無吏過酒熟有鄰招碧

明詩綜卷五十一

古

澗當門釣青山隔岸樵自慚非世用長得任逍遙

戴一首

戴一首
嚙字子京休寧人

得子秀兄避寇消息

問訊東吳使秋來尚避兵一身依短劔數口傍孤城旅
食應無定歸舟未有程此時正愁絕天末斷鴻鳴

程天符一首

程天符一首
天符字夢甫婺源人

飲酒

昨非未皆非今是未皆是是非皆茫昧寧知譽與毀毀
于我何悲譽于我何喜時對無極翁翛然鳴綠綺

張應文一首

應文字茂實蘇州嘉定人有巢居小橐
食新米作

人生欲無涯各各饜梁肉吾獨溥滋味一飽但饘粥屏
居事躬耕辛苦踰三伏瀾瀾白露滋粟粟香稻熟滌我
碌礪場納之杼與袖揚糠已隨風漬水乍離箕欣欣婦
子語足比玉田玉力穡斯有秋薦廟乃嘗穀先民戒肯
播老氏尚實腹感彼桑田巫食新詎非福

張應武一首

應武字茂仁蘇州嘉定人有文起齋集

郊居雜言

明詩綜卷五十

五

屏居子西郊學圃子躬稼岸峯峯子似山水云云子遠
舍鳥嚶嚶子鳴春草萋萋以迎夏芳菲子及時有美不
來子徂謝念我同學子結珮拖紳紛車馬子要津尊魚
懷子未得獲鶴怨子無人曷歸來子郊西劃松竹子爲
鄰晨耕子午饑作盛世之逸民

張鑾一首

鑾字顯文萬載人多善行年九十三舉鄉飲大
賓壽百有七歲而卒

百歲作

石田茅屋野人家百番春風換歲華盡道長生綠辟穀
不知香飯有胡麻

范如珪 一首

如珪字文瑞休寧人魏未辟仕於吳

江上西風雨復晴菰蒲深處釣絲輕何人隔岸吹長笛

楊柳秋江一夜生

孫良器 一首

孫良器 一首

良器字貢甫休寧人有九野橐

過姑蘇有感 一首 亂離在目 讀之不覺悽然

過姑蘇有感

東吳城外盡烽煙百姓流移半在船為問秋風舊來鴈

稻梁今剩幾家田

明詩綜卷五十一

鄭孔庶 一首

孔庶字子富歙人

雪後東張碧川

吳橋殘雪漲新痕客舍無人閣酒尊不為寒梅覓春信

東風長日不開門

葉 一首

吳字杲卿休寧人

旅次江夏

歲暮投南楚蕭然一旅身江山遙對酒鄉里少逢人細

柳舒殘臘疎梅報早春故園歸未得物候倏更新

汪子祐 二首

子祐字受夫祁門人有石西集

吳國次云石西詞博品昌調清而越

貧病

夜讀朝慵起晨餐午未炊邇來貧亦樂真與病相宜過受三彭錄游憑二仲隨科頭忘日暮倚杖步雲遲

獨行

日杲秋猶暑林棲鬢欲華獨行銷白晝得意見黃花稻熟莖莖穗薑肥寸寸芽竹堤香漸近水次有漁家

李敏 一首

敏字功甫休寧人有浮丘山人集

發盤塘

朝發盤塘均夕望平陽郭江空雨冥冥無風客帆落

明詩綜卷五十

十六

郭第一首

第字次甫丹徒人隱於焦山嘗為嵩岱游有廣

篇 何元明云次甫江月不可留山雲坐相失之句駸駸窺盛唐之室

錢塘雨泊

一片迎潮雨錢塘泊岸逢煙明六和塔雲暗兩高峰茶熟篷窗火香殘野寺鐘湖頭舊游路濕翠想高松

陸九州 二首

九州字一之無錫人

荆溪

東風靜卷游絲長桃花吹落流水香美人照水芙蓉裳蘭橈玉腕擊波去欲來不來空斷腸 鍾廣漢云語皆前人已道者而其章法却合唐音

半山

山深翠微寒飛花亂如雨輕風抽布帆落日在高樹

張文介

四首

文介字惟守龍游人有少谷集

湖上晚興

日夕湖水佳波光皎如雪浴堤蹋花去獨行自怡悅浮
香時有無流螢乍明滅興盡櫂歸舟山齋照涼月

九日風雨登吳山亭子

今日復九日自憐猶未還巖亭足佳菊風雨亦躋攀漠
漠煙中寺冥冥海上山鄉園渺何處空佇白雲間

遣懷

明詩綜卷五十一

七

一水斜通棧羣山曲抱城短簷殘雪色遠寺暮鐘聲茅
屋仍加稅天河未洗兵空懷太平策誰問魯狂生

吳江舟中

向夕問舟人吳江將至否須傍微月中繫船好沽酒

王應辰

一首

應辰永嘉人

夜遊曲

燕舞起香塵鶯歌出絳脣直須滅銀燭恐有絕纓人

趙

綱

二首

綱字希大無錫人

黃勉之云希大寄李秀才二十字入唐人詩中未易辨也

黃轟車

楚人拒滎陽漢事日以亟終灌亦何爲相顧徒失色紀
生何雄哉毛骨無所惜黃燾甘自焚赤龍乃得出如何
垓下平其功竟淪沒

寄雒陽李秀才

未得吳公薦空憐賈誼才年年三月裏相憶看花來

朱陽仲

一首

陽仲以字行失其名遂寧人有青城山人集

李時

遠云文學詩聲調
意境絕類中唐

金溪曲呈方使君

金溪流水發新安一片孤帆兩岸山估客自吹龍女笛
路人遙指玉郎灘

明詩綜卷五十

太

余慶

一首

慶字惟德固始人貢士有障風集

送吳隱君南還

可歎論交日翻成餞別時空江憐歲晚遠道念歸遲行
色關鴻雁鄉心挂柳枝殷勤一杯酒相勸復相思

習一首

習字仲學歷城人尚書貢仲子有睡足軒詩集

王貽上云弘正四傑惟何氏之後最大李氏次之徐氏有子伯虬稱詩
吳中名載今兩瑤華而仲子以尚書之貴食貧校徒有遺藁一卷薄墨

不成兩夕陽開
晚晴其佳句也

雨止

訪舊歸來夕照中半天涼雨一溪風須臾雨盡浮雲歛

笑看兒童指蝶螻

禹龍一首

龍字子化揚州興化人

九日登高

佳辰何事恨相仍萬里高臺醉復登
淮海煙塵迷客路濠梁烽火照皇陵
牙旗分闡原非將羽檄徵兵却到僧
遂使英雄增激烈不堪遲暮欲飛騰

官一夔一首

一夔字舜鳴平度州又官府同知有少泉詩集

九日

獨有幽懷客逢秋感慨深菊荒三徑雨荷老半池陰歲

明詩綜卷五

充

月人間世神仙病後心北山高興在殊未罷登臨

張壘一首

壘字禹卿南昌人生員有白榆園橐

送仲逸同懋功太守遊滇池

滇南西去在天涯匹馬先看楚地花但有故人嚴僕射

杜陵隨處即為家

陸光宙一首

光宙字與嘗平湖人有鉏餘橐

詩話與嘗隱居郊園與宗旭初鳴璩之璞君瑕輩一十八人結文酒之社晚夢一道士持陶靖節小像索題詠視之即己也題云在晉為淵明躬耕辭五斗昔以節自持今惟義自守千載復歸來春風吹五柳曾識白蓮人遠公是吾友蓋十八人中有白蓮道人如本也翌日復作偈言投筆而逝鄉之遺老至今傳之

歸燕

萬里衡陽雁春來又北征誰憐失羣影故作斷腸聲朔
漠風猶勁關山月自明素書吾欲寄須到雒陽城

姚 兗 二首

兗字叔信秀水人有玄岳山人詩集王伯穀云山入詩清真古澹不

車藻續

興善寺訪戚希仲養疴西林禪房限韻

橋分龍藏北水接馬涇西一棹通祇苑孤筇引曲堤梅
同殘雪映竹覆濕雲低不淺陶潛興清尊許共攜

寄懷朱宗魯太醫

憶昔都城醉故人睽攜二十四迴春心隨明月長飛夢

明詩綜卷五十

于

目斷停雲欲愴神藏室書成周柱史丹箴筆紀漢宮臣
何時得副還山望芝艸瑯玕共采真

詩話此贈先少保作也少保保御三朝曾撰太醫院志定陵親政後醫或進以金石劑起居未安先公入視疾奏曰聖體病在肝腎宜寬平以養氣安靜以益精帝喜命大璫隨敬書之屏斯淑信詩有丹箴句也

戴 乾 一首

乾字元泉桐城人嘉靖中處士

述古

英雄一身存安有仇不報覆楚與復楚各不出所料後
此博浪椎報仇志未了進為漢廷傑退偕赤松老成功
匪所期封留豈足道

鄭 坤 一首

坤字順卿吳縣人有石南集

俞汝成云順卿詩賦有蕭散清逸之風

同王駕部遊慧山題秋聲小閣

朝川居士共襟期小閣登攀欲暮時
秋色還憶去年詩閒雲竹掃無留影
老樹藤纏不剩枝景物慚隨人事謝
隔窗幽鳥未曾知

張虞卿一首

虞卿順天人

雜詩

青青江上艸關關洲中禽物類各有待
因時樂相尋嗟予久漂泊感遇情難任
豈無他人好成非心所欽所思在遠道
關河阻重深寒暑屢變節魚鳥空浮沉
離憂共

明詩錄卷五十一

五

誰語強坐彈鳴琴孤鸞與別鶴此曲傷人心

王叔承十四首

叔承初名光宿以字行更字承父晚更字子幻

吳江人有吳越遊閩遊楚遊嶽遊諸集

詩話承父才情奔逸下筆不能自休其論詩不甚傾心王李大指謂事與景者天地所自有之物偶遇而收之情與意者吾所本有之物偶觸而發之彼吾役也吾不彼役也斯言良是惜其所作牽率者什九王元美序之稱其句就而色自傳篇就而用恒有餘驟讀之恍然若新既讀之而又恍然若故王敬美序之稱其能以牛溲馬勃為藥鉅噓笑怒罵為文章蓋皆寓貶于褒之辭而承父自負其才受二美之籠絡不覺也平情而論承父亦安能敵元美即就宮詞百首而觀已遠出元美之下特其卷帙繁富不減余州詩部爾當嘉隆間布衣稱詩若沈嘉則王伯穀及承父三人咸以多勝人今歷年未久全集流傳日寡後世誰相知為重刊其詩者豈惟重刊覽其全集而不欠伸思臥者亦稀矣奚以多為

將渡江訪戚世秀阻風雲陽道中作

大江何茫茫晨風颭已夕故人如浮雲可望不可即有
夢亦須臾寤言轉悽惻生別時易徂一日三秋隔袖中
懷素書零落餘紙墨區區方寸心相看皎猶昔

自桐廬入七里瀧出嚴州舟中懷古

入瀧還出瀧宛轉千盤經旣登桐君廬復憩嚴子亭水
光鴨頭綠山色蛾眉青雲中雞犬隔天際鷺鶴停往往
至人宅選勝開巖垆舊壇秘光彩遺廟虛精靈朱鳥不
可見哀歌許誰聽

題陳從訓所藏惠崇溪山春霽圖卷

惠崇一詩僧宋首柴周尾丹青入禪觀別自通玄理能
於尺素間點染千山水昨登金焦興不孤陳郎示我溪

山圖画家精工多近俗寫意得神形不足此僧妙趣種
種兼不滿三尺吳興繡針頭毫末密相接有如蠅螟寄
蚊睫或言工勝趙大年又云妙超展子虔只須三日坐
其下一花一草生意全乃知陳郎揮灑信有本恥與當
今画家混我歌長句君莫嗤惠崇惠崇郎所師

水北菴醉歸書興

水深肥紫蟹稻熟美黃雞溪饌秋來賤酒人閑處齊醉
歸廬嶽社惱殺太常妻點檢明朝約野橋煙樹西

屯溪乘竹筏抵紋溪作

綠竹揚輕筏屯溪渡早暉魚梁羣鷺下石碓亂泉飛小
市環青麓長橋跨翠微前峰仙路近樹色滿秋衣

金陵豔曲

綠江天作塹翠嶺石爲城柳暗黃金塢花明白玉京春
風十萬戶戶戶有啼鶯

揚州歌 二首

二十四橋邊當壚最可憐妝成窺客坐不耐數青錢
東家女十三西家女十五夜半褰娘啼嫁與并州估
益卿簡寄家兄酒錢志感

異姓憐兄弟天涯寄酒錢急難那得汝我媿鵲鴿篇
觀音巖訊蘇道人適山頭虎過

層巖飛茗煙道人正高坐牧童折山花笑指神虎過

西湖雜興

明詩綜卷五十一

五

看花須近寒食看潮待過中秋二月十五花信八月十
八潮頭

荆溪雜曲 二首

賣殘竹菌筍還來收罷蘭花蕙又開但焙茶芽先穀雨
不愁虎跡遍莓苔

蜀山山下火開窰青竹生煙翠石銷笑問山娃燒酒杓
砂坏可得似椰瓢

竹枝詞

白鹽出井火燒畬女子行商男作家幢布紅衫來換米
滿頭都插杜鵑花

黃姬水 一首

姬水字淳父長洲人省曾子有白下高素二集

王元美云黃海父如比里名姬作
酒劍才色既自可觀時出俊語

送汪太學遊江都

千里王孫歸未能風雲意氣每超騰年來裘馬遨遊處
不是金陵即廣陵

王穉登

十二首

穉登字百穀一字伯固長洲人國子監生有晉

陵金昌燕市客越青雀竹箭梅花什荆溪松壇

諸集

詩話伯穀詩亦華整第嫌肉勝於骨至表文榮所賞色借相公袍上紫
書生薄命原同妾等句燂寵之詞近於卑田乞兒語矣
太繁子刪其什九而風骨始刻
露膏鼎一鑿未為不知味也

明詩綜卷五十一

十四

送吳郎遊金陵

兩地三春別孤帆千里愁君今遊帝里誰與共仙舟夜
雨連瓜步春潮滿石頭長于管絃地走馬莫淹留

送慧師還五井兼懷其故師楊伯翼

持鉢南歸去長天接遠汀未霜吳樹赤過雨越山青帆
外桃花渡函中貝葉經還將二泉水一酌子雲亭

婁東訪顧靖甫

訪爾山城下秋風一徑偏溪魚名箭鏃野菊類金錢艸
廢歸吳宅潮通入楚船馬鞍峰頂石把酒憶當年

看梅過玄墓山中

橋外花開日分明雪作圖不將他樹雜未有一家無多

處半青嶂香時過太湖濁醪元易得市遠亦須沽
送吳中丞之金陵

建業青山是帝都
斲勞開府握軍符
花間朱鷺鏡歌曲
江上黃龍水陣圖
玉節中丞新盪寇
樓船諸將舊平吳
不知燕子磯前地
容得陳琳艸檄無

邊警

琵琶洲上香山澳
來往初通海上檣
漸習文書通漢語
別居城郭慕中華
餘甘却載西商舶
吉貝先歸市令家
島寇須防勾引漸
斧柯莫待翦萌芽

長安春雪曲

春風吹雪下柔乾
添得城中一夜寒
鳩鵲樓高消不盡

明詩綜卷五

五

長安街上馬頭看

都下寒食

騎馬尋春春尚遲
東風空自向人吹
燕王城裏千株柳
寒食來看未有絲

望湖亭

亭邊楊柳水邊花
落日行人正憶家
不及江南湖上寺
木蘭舟小載琵琶

湖上梅花歌

二首

山煙山雨白氤氳
梅蕊梅花濕不分
渾似高樓吹笛罷
半隨流水半爲雲

虎山橋外水如煙
雨暗湖昏不繫船
此地人家無玉曆

梅花開日是新年

清明前一日慈雲菴訪怡菴上人

春風駘蕩日初晴與客尋僧入化城
牆裏杏花牆外柳始知佳節近清明

梁辰魚二首

辰魚字伯龍崑山人有遠遊藁

詩話伯龍雅擅詞曲所撰江東白苧妙絕時人時邑人魏良輔能喉嚨音聲始變弋陽海鹽故調為崑腔伯龍填浣紗記付之王元美詩所云音聞白面冶游兒爭唱梁丘雲豔詞是已同時又有陸九疇鄭思笠包邱郎戴梅川輩更唱迭和清詞豔曲流播人間今已百年傳詩家曲別本弋陽子弟可以改調歌之惟浣紗不能圖

是詞家老手詩律猶未細猶能斟酌而已

登西塞山訪張志和遺跡

晚登西塞山翛然出林薄諸峰自南來
茲嶺獨岈翠攀

明詩綜卷五十一

三

援上蘿磴翠微構蘭若清梵懸香林
法鼓時聞作零雨飄巖阿殘雲臥松閣
緬懷玄真子雅志甘寂寞雲鴻入冥冥
孤飛避繒繳風雨湖上歸浮名寄篔簹
筮斯人邈于載高風滿寥廓伊余慕肥遯
世故還束縛名境雖盤桓猶未諧宿諾
何時返初服於焉此棲託

夏日泛舟荆溪暮宿湖口

五月荆溪上驚湍走白沙風檣軟聽燕
浪檝遠衝花山勢通吳直溪流向月斜
維舟見漁火深樹有人家

秦嘉禾二首

嘉禾字吾田桐城處士自號大龍山人有彭澤

藁

小孤山

砥柱從開闢中流自古今
神龍常在窟怪木不成林
絕頂雲流影懸崖鳥過音
吾題百丈壁仙跡倘相尋

汎湖

汎汎楓湖十里中
薄雲細浪夜初融
月明會聽雙龍起
我欲騎之到海東

汪天坦一首

坦字仲安鄞縣人國子監生有石孟集

夜上嚴灘

上灘似牽羊下灘如走馬
灘高月未出亂石怒流瀉
離離離巖際星風雨聲在
下夜久漁火明疑是披裘者

明詩錄卷五十一

三

林兆恩一首

兆恩字谷子莆田人

詩話林谷子李卓吾閩中二異端也

題室

茫茫天地一閒身
寄跡榕州今幾春
日暮潮平沙欲合
隔江還有未歸人

徐章二首

章字明佩江陰人國子監生有觀夢菴集

重經故居

荒臺欹側柳凋零
故里重過悵獨行
燕子不來花落盡
夕陽偏傍斷橋明

過復元從孫

銀蠟風多護錦屏飛觥不逐舞腰停當筵莫唱江南曲
白髮周郎已倦聽

董宜陽一首

宜陽字子元自號紫岡山樵上海諸生

初發谷陽夜泊追懷舊游寄袁魯望

不寐嫌宵永殘星帶月明城烏喧夜柝岸葉亂秋聲卅
路悲今昔存亡念友生淒涼感舊賦轉見古人情

汪淮一首

淮字禹乂休寧人有蘿山詩藁

聞報懷族孫時元

明詩綜卷五

文

聞道東南寇烽煙處處昏倉皇悲客子流落向江邨野
曠雲迎陣人稀晝掩門更誰如漂母一飯識王孫

沈倬五首

倬字道章吳江諸生以子琦琬珣貴累贈通奉

大夫有紀志藁

松際月

清風湖上來徐徐入松下風吹松子落拾之欲盈把月
出松際雲清光滿籬舍

題張師清望樓

曉色臨平野高樓屬斷雲連峰當戶入一水傍階分樹
影參差動禽聲下上聞主人方擁傳莫草北山文

送別

空城積雨煙霧深驛亭迢遞江沉沉桃花一樹感春深
楊柳萬條驚別心燕趙古來多結客秦淮道上誰知音
丈夫意氣偶相得脫贈豈惜雙南金

月夜

明月吐夜光寒影在溪水山人抱琴來坐久秋雲起

花溪客舍

孤燈坐來昏淒其不成宿夜鶴忽驚栖翻飛入修竹

卓明卿 一首

明卿字徵甫仁和人以太學生選授光祿寺署

丞有集

葉茂長云徵甫詩華
膽和暢才調過人

明詩綜卷五十一

无

江上別黎惟敬

執手河橋上遙天起片雲仙帆千里發客路一江分桂
嶺先秋色樟亭半夕曛家山到何日兩地惜離羣

陳九州 一首

九州字維同江陰縣學生

夜泊荆溪

細柳湖邊岸青蒲水上舟星隨孤月動山入暝煙收鼓
柁聞漁浦懸燈見佛樓客途春欲盡歸思滿滄洲

王逢年 一首

逢年字舜華初名治字明佐崑山人同祖之子

諸生有海岱集

王元美云明佐歸
麗宏博饒不竭

秋曉聞鴈

北斗橫天秋夜闌
翔雲遙度鴈聲寒
夢回旅館燈初落
書寄衡陽葉未殘
隱隱斷行迷極浦
蒼蒼斜月帶長安
湘南塞北關情遠
人倚青樓幾處看

汪時元一首

時元字惟一休寧人

九日舟中

秋風葉正飛
江上逢重九
人世幾登高
寂寞黃花酒

周青

士云詩有不必深言而
選家必錄者此作是也

袁景休三首

景休字孟逸吳縣人

明詩綜卷五十

三

詩話孟逸隱於下肆後閩人林古度寓法水寺見孟逸夫婦停棺于
寺傷且無子取摺疊扇画兩棺貯破屋中上雨旁風極悽慘之狀題詩
其上有新安客見而憫之出私錢庇窰安古度又口授遺詩刻之成集
余購之不得緡谷蔣氏藏孟逸墨跡五翻凡十絕句丞錄三首孟逸風
見知於沈嘉則其送嘉則詩云道上霜寒連白鴈馬頭木
落見黃河殊有爽氣宜其訶笑詼諶及劉子威侍御也

入慧慶寺

新秋入古寺涼氣何清越
樹杪夕陽微山蟬鳴不歇

春日過南城

黃鳥當三月城南景正繁
桃花千萬樹不異武陵源

自江村望虎丘

茲山奇且麗迥與江村合
幽人去復來斜陽在孤塔

王受甫一首

不知何許人詩載袁中道游居錄

題九山壁

一心貪與白雲期解帶歸來任所之每過名山經月住
蘇門山上更多時

袁小修云九山去輝縣十里有斧劈石石上題詩後云嘉靖癸卯受甫不知何人

明詩綜卷五十

明詩綜卷五十

三

明詩綜卷五十一

小長蘆 朱彝尊 錄

廣陵 楊文鐸 緝評

羅萬化 一首

萬化字一甫會稽人隆慶戊辰賜進士第一歷

官禮部尚書贈太子少保謚文懿有世澤編

靜志居詩話唐宋科目繁多至明而始終所重惟甲第志科名盛事者首述吉水蒲陽而於越山陰自諸文懿大綬而後榜五發邑人居其三焉博聞三公俱同席硯之友不可謂非盛事已

擬此日不再得

落景無返輪奔星少回光綠髮不戀人轉眼化為蒼所以志士心努力及方剛恒恐歲遲暮蘭蕙不得芳膏火

明詩綜卷五十一

還自煎山木亦自戕我謀一以乖終身失其臧大道本

希聲至人貴含章豈其魚目珍而登君子堂登高豈無

梯濟深豈無航愚者貴速至聖人寶其常虛牖展素書

古人未云亡無為守躊躇徒貽過時傷

黃鳳翔 三首

鳳翔字儀廷晉江人隆慶戊辰賜進士第二歷

官南京禮部尚書贈太子少保謚文簡有田亭

草

告歸發潞河作

方朔恒苦飢相如常病渴明時許乞身初衣薜蘿闕草

車逐扁舟長河接溟渤舳舻爭唱呼鷗鷺閒出沒帆影

日外落棹歌津頭歌舉酒酬暮雲卷簾對夜月悠然萬里心頓與江天豁

穆宗莊皇帝發引挽歌

垂衣方在御憑几那堪聞雨暗虞淵日星沉華渚雲周官開翼室漢曲罷橫汾百辟趨蹌地傷心望紫氛

萬曆宮詞

霜毛鸚鵡傍雕闌巧舌依人似結歡白髮宮娃空墮淚先皇覓到不曾看

趙志皋

二首

志皋字汝邁蘭谿人隆慶戊辰賜進士第三歷官少傅兼太子太傅吏部尚書建極殿大學士

明詩綜卷五十一

二

贈太傅謚文懿有潑陽詩集

早發錢塘

曉霧兼天白秋風一葦輕湖吞漁浦闊沙湧固陵平隔座吳山送揚帆越嶠迎蒼茫思無限天外忽鐘聲

贈太僕何石川

丈人三徑傍城隈不厭鄰翁日日來雙鶴竹間迎客舞一尊池上為誰開采芝合共商山老作賦仍多洛社才自笑登樓倦懷土暮天回首重徘徊

王家屏

六首

家屏字忠伯大同山陰人隆慶戊辰進士歷官禮部尚書文淵閣大學士贈少保謚文端有復

宿山房集

詩話宋制祖宗翰墨儲藏於玉堂之署觀陳騷中與館閣前後錄道君墨跡俱存此康譽之得題年年花鳥無窮恨盡在蒼梧夕照中之句也迨元而奎章宣文之閣舊址不改明則藏之大內詞臣未由親矣萬曆九年帝御文華殿宣召直史臣五人文端居首其餘修撰則沈公懋孝張公元忬編修則劉公元震鄧公以讚也既進見示以景陵御筆玄兔圖園以淡墨作滿月胎上有桂子垂枝下藉輞州兔居其中並臻妙境諭諸臣題詩於軸并得用私印識之閣三口詩成進御自首輔張文忠外凡三十有五人當日韻詠優游不事促迫綵花銀葉賜手便蕃自永宣以來詞林盛事遇此罕矣長陵四馬詩世傳為江陵作今從館課集本正之文端立朝侃侃不阿因一諫官力爭去位風節固不可及詩亦雍容和雅不失正始之音

恭題文皇帝四駿圖

龍駒 鄭村壩大戰胸著一箭都指揮丑丑拔箭

天馬徠翼飛龍蹄削玉耳垂筒碧月懸雙頰明星貫兩

明詩綜卷五十

三

瞳文皇將士盡罷虎復有龍駒助神武流矢當胸戰不休汗溝血點桃花雨壩上摧鋒第一功策勳何必減元戎君不見虎士標題麟閣裏龍駒亦入畫圖中

赤兔 白溝河大戰胸著一箭都指揮亞失帖木拔箭

雷鉤鉤北軍來赤兔走黃雲開攬身超夾澗策足絕浮埃白溝原頭振鞞鼓貫陳穿營猛如虎穆王八駿詎為奇昭陵六馬應難數百戰間關未解鞍箭瘢還向畫圖看只今四海昇平日誰識當年締造難

棗騮 小河大戰著兩箭胸一箭後右曲池一箭安順侯脫火赤拔箭

紫騮馬金駱月朝燕晡秣越傲儻精權奇超驥走滅
沒當年萬馬盡騰空就中紫騮尤最雄戰罷不知身著
箭飛來祇覺足生風北風獵獵吹原野長河水漸血流
赭誰言百萬倒戈中猶有彎弧射鈎者

黃馬 靈璧縣大戰後右曲池著一箭指揮鷄

兒拔箭

軒后興應龍翔駕天駟乘飛黃迴頭看紫鸞顧影失超
光君王神武古來少萬里煙塵一劔掃馬蹄蹴處山爲
摧何論陳暉與平保揚鞭渡淮淮水清金陵父老壺漿
迎從此華陽休駿足山河重整泰階平

初入翰林自述

明詩綜卷五十一

四

生平未知學世路方多歧古人已不作古道猶可追願
言對青簡澹慮澄玄思宇宙皆吾事一念安可欺譬彼
機中素皎潔防其緇譬彼山下石孤貞堅自持文章乃
末技富貴非吾期出入感榮邁朝夕承師資遠心在霄
漢努力酬明時

玉河新柳

水繞沙隄曲春看御柳眠柔條輕著雨嫩葉暗抽煙影
落波間細陰垂檻外偏亭亭依漢苑遲日待鶯遷

沈一貫一首

一貫字肩吾鄞人隆慶戊辰進士歷官少師兼
太子太師吏部尚書中極殿大學士謚文恭有

喙鳴集

望西城宮殿

莫殿重開寶曆春竹宮長鎖屬車塵煙霞自護祈年閣
星斗曾傳醮夜辰帳裏流蘇間甲乙爐中寒火憶庚申
茂陵松柏蕭蕭老無復相如賦大人

朱賡一首

賡字少欽紹興山陰人隆慶戊辰進士歷官少
保兼太子太保吏部尚書文華殿大學士贈太

保加贈太傅謚文懿有集

詩話明制閣臣始入東閣次進文淵閣武英殿護身華蓋後為建極中
極獨虛文華殿不拜惟永樂間權謙以孝行拜斯殿學士此後則文懿
公也是時定陵有意爰立二人先太傅文恪公謚馮文敏琦也蛟門閣
老丞以密揭止常曰此二臣皆美器當老其才用之乃改命文懿及文

明詩綜卷五十一

五

懿入骨棟各官爭論曠稅難以裁答於是相傳以政
府為苦海矣文懿詩不載集中僅從館課錄得一首

薊門行

躡騎窺青海天兵出薊門白艸邊塵暗黃沙塞月昏悲
笳風外曲哽咽不堪聞

千慎行六首

慎行字可遠更字無垢東阿人隆慶戊辰進士
選庶吉士授編修歷修撰侍講左諭德侍讀學
士陞禮部侍郎改吏部拜禮部尚書入直東閣

卒贈太子太保謚文定有穀城山房集

公於詩文

春容宏麗一時推大手筆其論古樂府曰唐人不為古樂府是知古樂
府也辭聲相雜既無從辨音節未會又難於歌故不為爾然不效其體
而時假其名以達所欲言斯摹古而託焉者乎近世一二名家至乃逐
句形模以追遺響則唐人所曰樂矣余間為郊祀鏡歌可數十首已而

視之頗涉兒戲亦復不自了然遂焚棄之取其音節稍近者做其一
謂之本調至近體歌行如唐人所假者不曰樂府則詩之而已矣夫唐
人能為而不為今人能為而遂為之予奈何不能為而為也其論五言
古詩曰誠晉之於五言豈非神化學之則迂矣何者意象空洞樸而不
敢瑣軌塗整嚴制而不取勁少則難變多則易窮古所謂鸚鵡語不遇
數聲爾原本性靈極命物態洪纖明滅畢究精蘊唐果無五言古詩哉
余既知其解矣而不能舍魏晉者取其可以藏拙日適所便非能遂以
之也海內賞貞之士有以吾言為是者吾詩雖不觀可矣公生當慶曆
之世又為歷下之鄉人其所論著皆箴歷下之膏
旨對病而發藥夫惟大雅卓爾不羣其是之謂乎

詩話東阿格律和平當正聲微茫之
時能為是調即以詩高選亦堪作相

晉陽男子行

隆慶已巳太原丈夫
化為女子歌以識之

太原有男子壯烈世所無身長九尺餘白皙好着鬚自
負良家子募作材官徒腰中鞬轡劍橫擊當路衢并州
惡少年見之伏且趨一朝覽青鏡倥傯空堂隅三日不
出戶忽然見彼姝綽綽芙蓉顏盈盈玉雪膚蛾眉娟且

長高髻墮馬梳脫我金鎖甲繫我繡羅襦掛我白貂帽
珥我明月珠委心懷嫵婉不惜健兒軀昔為雲中鵠今
為水上鳧昔者一何厲常關十石孤今者何柔曼巧笑
傾城都仰視浮雲馳變化不須更茫茫窺元運玄黃無
乃淪世人但云好不必稱丈夫

過雨

五月不知暑虛空颯似秋殘虹掛溪水片雨過城樓遠
樹斜陽駐深山夕翠流晚涼思枕簟絕愛北窗幽

秦淮

秋月秦淮岸江聲轉画橋市樓臨綺陌商女駐蘭橈雲
裏青絲騎花間碧玉簫不知桃葉水流恨幾時消

送朱養淳太史冊封周藩

蓬萊闕下五雲飛桐葉封函出帝畿漢苑花香隨使節
河橋柳色上征衣天臨玉署恩偏渥星近銀河夜更輝
試向天津橋上望銅街無處不芳菲

送張洪陽學士請告南旋

長河南下水曾波吳楚青山枕上過行到潯陽江口望
應憐秋色故園多

少年行

錦帶珠袍綠臂鞬相逢盡說富平侯南山夜獵春城晚
繫馬新豐舊酒樓

陳于陞

一首

明詩綜卷五十一

七

于陞字元忠南充人隆慶戊辰進士歷官太子
太保禮部尚書文淵閣大學士贈少保謚文憲
有萬卷樓橐

宣廟御筆馬

寶繪傳神駿權奇尺素收蹄攢雙碧玉文散五花虬赤
汗當沾臆黃金爲絡頭天閑今萬匹何必按圖求

張

一首

位字名誠南昌人隆慶戊辰進士改庶吉士授
編修遷司業以糾江陵奪情謫徐州同知後累
官少保兼太子太保吏部尚書武英殿大學士
謚文端有叢桂山房彙橐

詩話文端以持正許江陵詩頗有憂危之語其詠射鵰云方寸能幾何
當此亂鏃投有感其言之也鮑罷相於東湖杏花村建閣雲樓吟眺自
娛晚探青原之勝汎舟螺川野服復車登覽竟日老僧不識爲宰相
題詩懷鄒魯曉門人胡廷宴守吉安從寺壁見詩始知之是亦佳話

七夕

塞月催砧急天風襲袂深星河良夜色牛女隔年心莎
逕流螢度花陰促織吟平生江海意荏苒二毛侵

裴應章

一首

應章字元闇清流人隆慶戊辰進士歷官南京
吏部尚書贈太子少保謚恭靖有嬾雲集

豐嶺卽事

倚杖危峰上煙霞嶂幾重逶迤盤古道絕勝引仙蹤露
滴晴天雨雲低半嶺松蓬壺何處是天際一聲鐘

范謙

一首

明詩綜卷五十一

八

謙字含虛豐城人隆慶戊辰進士歷官禮部尚
書贈太子少保謚文恪有雙柏堂集

初入翰林自述

聖人啓元運應龍協昌期萬物快先覩而我逢茲時抱
策獻天門鴻漸修羽儀木天肆宏敞玉軸陳參差石渠
發中秘虎觀探幽淵源接師友得失隨箴規分陰期
共兢古道還力追願言謝紛華兼以息驅馳但令微忠
效無求虛譽垂庶幾大造化於以酬毫釐坐見乾坤泰
我亦贊無爲

習孔教

一首

孔教字時甫廬陵人隆慶戊辰進士選庶吉士
歷官南京吏部右侍郎

將進酒

將進酒客莫辭玉交杯金屈卮主人勸客揖且讓客言
我飲本無量有如法宮置酒監在前史在後此時徑醉
不及一斗州閭之會六博投壺男女雜坐盱眙歡呼爾
時醉可兩壺日暮酒闌合尊促席履舄交錯杯盤狼藉
羅襦襟解微聞鄰澤當此時也能飲一石款戲乎酒極
則亂樂極則悲萬事盡然高陽之徒安足爲書有豐刑
亦有酒誥舌出禍入君子所悼主人休矣職思其居三
爵不又言毋我渝

明詩綜卷五十一

九

田一儁

一首

一儁字德萬大田人隆慶戊辰進士歷官禮部
左侍郎有鍾台遺藁

遲鄭郎不至

幽齋淨朝塵崇館紛晝靄涼葉陰已深疎花落猶在美
人來不來搔首空相待渺渺望河干青山出雲外

韓世能

一首

世能字存良長洲人隆慶戊辰進士改庶吉士
除編修歷修撰侍講右諭德陞國子祭酒南京
禮部侍郎召入兼侍讀學士有雲東草

送友人南還

垂柳千條拂御溝上林春色鳳池頭如何張翰多歸興
不待秋風已倦遊

沈思孝

四首

思孝字純父嘉興人隆慶戊辰進士累官都察院右都御史兼兵部侍郎贈太子少保有行成

郊居西征陸沉諸稟溪山崇吾美堂等集

詩話先生封事尤觸江陵之怒杖單即加鑕鑕復下獄三日始僉解發成既抵嶺南巡撫欲殺之以媚政府遠以尺符召之行至恩平先生袖匕首示縣令曰巡撫必欲殺我我當與俱斃不然伏尸軍府中令天下士大夫皆知巡撫所殺也縣令密以告巡撫得不死蔡劄使文範作壯哉行送之其歸也胡元瑞贈詩云豈冠花前千里夢枕柳樹下十年人先生頗好鑿書畫言者遂劾其以千金市汪右軍真蹟一卷南箕目錦可以意成也詩入瑯琊四十字之

列晚交姚史上葬未免間作整牙語

喻邦相同俞羨長至集怒醉軒

明詩綜卷五十一

十

白雲邀上客黃葉繞貧居缸面沽來酒槎頭釣得魚山
川連越絕雞犬數秦餘一日千秋意相看老不疎

思家

長臥鳳城隈鄉心日夜催小人猶有母明主漫憐才木
葉千山兩江湖八月雷倚閭秋欲盡底事不歸來

清寧兩宮災臣督諸軍入救上使小黃門賜以肴
四合酥與果稱是中有鳳仙橘小紅梨佳甚乃藿
食者所未嘗敬賦此紀之

春盤分尚食天語遣黃門橘豈維揚貢梨堪大谷論股
肱悲未竭口腹媿知恩獨荷焦頭賞能無負至尊

出都門

天高落葉繁匹馬上東門固寵寧臣節完名是主恩青
雲覆闕迥綠野幾家存滿筐匡時草攜歸覆酒尊

賈三近 一首

三近字德修峯縣人隆慶戊辰進士選庶吉士
改授吏科給事中轉戶科都給事中遷太常少
卿改督四夷館歷大理左右少卿南北光祿寺

卿以右僉都御史撫保定入爲大理寺卿轉兵

部右侍郎有東掖漫橐 子無垢云石葵歌詩
清爽疎宕咳唾立成

冬日登嶽

遊日高寒處羣山擁岱宗登封迷漢艸徙倚有秦松萬
壑煙嵐合諸天紫翠重肩輿明月下上界已聞鐘

明詩綜卷五十一

十一

邵 陛 一首

陛字世忠餘姚人隆慶戊辰進士改庶吉士歷
官刑部左侍郎

過拜將臺懷古

千載遺踪表故臺殘雲縹緲夕陽閒三川佳麗興王地
百戰勲名大將才此日江山空草木當年壁壘半蒿萊
登臨不盡英雄恨風急寒沙過鴈哀

沈懋孝 一首

懋孝字幼真平湖人隆慶戊辰進士改庶吉士
歷南京國子司業謫兩淮鹽運司判官起河南
巡撫未任有淇林雅永

詩話晴峰樂府向藁篇做不脫脣
下窠白餘體斐然能於同中見異

北固登望

北固樓前一笛風碧雲飛護建康宮江南二月多芳艸
春在濛濛細雨中

朱孟震 四首

孟震字秉器新淦人隆慶戊辰進士除南京刑
部主事歷郎中出知重慶府陞河南按察副使

累官通政使以右副都御史巡撫山西有郁木

生全集

任少海云使君詩闕壘蕭灑了無塵俗氣 陳于詔云秉器才情婉附流調壘發若孤桐朗玉自有天律 張助甫詩諸體錯陳意匠所極才亦副之 吳明卿云秉器負用世才以餘力為

明詩綜卷五十一

十一

和答正甫

幽意苦不愜清歡良未期如何汾水上忽枉故人詩芳
草王孫路朱華帝子池相思隔年歲河漢正高垂

哭孔汝錫先生墓

殘歲龍蛇逼新阡雉兔過露隨朝槿盡風入暮蟬多坐
失千鍾酒情傷九辯歌夜臺無白日一慟欲如何

春日金沙寺訪羅孝廉元我

春水金沙是舊遊春風黃鳥况相求馬蹄一逕穿雲入
花氣千林帶雨浮詞客雄文巴蜀傲故人清興剡溪舟
草堂踪跡今猶昔好為狂夫十日留

謁張桓侯廟

英姿颯爽氣雄哉恍惚晴霄風雨來一代君臣元伯仲
千秋祠廟倚崔嵬乾坤已限三分業熊虎空懷上將才
正是雲安春月夜杜鵑啼徹不勝哀

龔勉一首

勉字子勤無錫人隆慶戊辰進士除嘉興知縣
以憂歸補吳橋知縣陞南京刑部主事轉戶部

蔡文負外進郎中出知嘉興府遷浙江叅政轉按察

使調山東遷浙江右布政使有尚友堂集彭子服云子勤

詩整暢可
方錢劉

送王會泉武庫出守永州

明詩錄卷五十一

三

仙郎戎政擅才名簡命熊幡向楚城車騎舊瞻司馬節
檐帷新識使君旌九疑南接湘江遠五嶺東連粵路平
遙想行春風日好瘴煙消盡百花明

蔡文範十首

文範字伯華瑞州新昌人隆慶戊辰進士歷官
廣東布政司叅議有縉雲齋橐甘露堂集

詩話青門近
體雄渾絕倫

自瀛德至東昌道中雜詩

聞道張秋決先朝慮獨深為山名戊巳奉使失辛壬地
控支祈鎖天寒象罔沉誰知神禹跡疏鑿本無心

岳州馮觀察見招

澹澹鋪湘水依見武陵雲隨天不動川靜水凝冰魑
魅愁神鼎魚龍怪佛燈夜深清梵徹何異普陀僧

太和宮

疆域連秦塞星辰入楚都英靈天地啓宮闕古今無禪
艸諸儒遜玄功萬國趨祠前瞻阜燾曾說贊文謨

送庫部朱陽和備兵甘肅

陰山雪墮紫貂裘使者行邊大漠秋陝右長城班定遠
胸中武庫杜荊州風吹獵火通甌脫奏梅花落隴頭
哈密至今無敢論知君躍馬看吳鉤

紅心驛值雪

雪色初驕冷萬家那堪風急更迴斜來從朔北還兼雨

明詩錄卷五十一

十四

去到江南定結花沙上紫騮嘶不度愁邊青鬢忽先華
荒村日暮平如練破却寒光數點鴉

遊南岳

二首

縹緲仙臺紫氣浮煙籠玉座儼垂旒地包荆楚標南紀
江合沅湘向北流牲帛千秋周祀典衣冠五月舜諸侯
塵緣未斷慚仙骨金簡雲書何處求

赤帝高居小梵天衆峰羅列擁堦前秋經絕壁風雷起

有風

雷洞醉倚雙臺日月懸

上有望日望月二臺

誰道人騎黃鶴去我今

寒抱白雲眠莫言此夕非冲舉已隔人寰丈九千

誌載祝融峰高

九千丈有奇

寶應湖

湖闌疑無地堤長亘若虹孤舟數點雨殺却日南風

望白鶴嶺

百里初見道十里轉見遠絕頂不分明白雲時舒卷

溪漲發建陽

白日欲沒雲濛濛建陽城外雨澆空溪邊怪石不知數

一夜走入洪濤中

顧大典

三首

大典字道行吳江人隆慶戊辰進士歷官福建

提學副使謫禹州知州改開州有清音閣集

得山東觀察報留別省僚

肅肅晨風吹明星帶徂兩平生攜手俱今乃殊風壤大

明詩綜卷五十一

五

江一以遠日夕春潮長憶奉南皮游良時清尊賞華篇
想遺則淵調懷餘響朋僚旣雨散世路即塵鞅去去不
可追臨風徒愴恍

苔溪春日

苔溪春深春欲歸柳絲拂地梨花飛客子辭家已三月
春風初換越羅衣羅衣競試春江曲花外鶯聲斷還續
春心羈思兩相催愁見天涯春艸綠春艸年年伴客程
扁舟明日又孤征故園回首春雲隔江上春風空復情

送秦郡倅還楚中

一朝辭簿領千里返江湘棄置君何罪離群我自傷春
風過夏口秋艸臥衡陽爲報南來雁音書好寄將

沈 位

三首

位字道立吳江人隆慶戊辰進士改庶吉士授
檢討有柔生集

詩話虹臺詩麗以則惜不
永齋中秋結語殆成讖也

十二月二十一日獻俘

睿德通中夏天威震北隅遐方歸正朔欵塞獻新俘清
廟陳弘業彤庭顯秘圖五兵原不戰巨寇已行誅將相
多酬賞寰區盡大酺小臣叨侍從率武詠神謨

中秋

秋光長與翠華連况是中秋更可憐城闕影高雲裏見
芙蓉露冷沼中妍誰家笛弄江南曲幾處鴻飛塞北天
此夜清輝應莫負人生能見幾回圓

明詩歸卷五十一

五十一

漁陽春望

二月春方半冷風日正長陌頭看柳色忘却 在漁陽

張 鎧

一首

鎧號石渠吉安永豐人隆慶戊辰進士除東莞
知縣升南工部主事歷員外郎中出為湖廣按
察僉事轉貴州參議

寄艾和甫謫戍西寧

荆南偶接故人書為悉關門近起居萬里獨看營外月
孤身誰念釜中魚辭劉徐恕心元苦折檻朱雲願不虛
秦地日聽邊塞曲楚歌相和調何如

喻 四首

均字邦相新建人隆慶戊辰進士歷官天津兵備副使有山居集

陸中丞移書促入郭有事田間詩以陳情

龐公願負耒陶令甘荷鋤外物既不干誰能逸其軀朝夕課童僕黽勉在田廬心事異昔人踪跡與之俱咄嗟不逢年高原化為渠穡事良已矣種豆山一隅羣雀苦交啄持竿為毆除詎意小減來乃接中丞書要我入城郭高義有誰如顧念山中人生事各有須寧能舍田畝忽此升斗儲殷勤謝來意禮數寬樵漁

春暮宿大觀樓簡士功及二三知己

明詩綜卷五十一

共

閒居不適意觸事增煩憂振步出西郭登君江上樓滄波漲初闊綠樹陰已稠煙雲綴遐岫蘭蒨盈芳洲迥覺心迹清轉見身世浮徘徊未能去衾枕聊淹留既以自怡悅因之報舊遊

送方子及入計

凝霜沾浦樹冉冉歲欲晏君子意如何垂老仍薄宦一臥艾子城六見秋花綻月米分故人日食藜與莧高志慕翔鸞卑棲託片鷄發軌謁承明蚤晚流皇盼白首感睽離追餞臨寒澗握手憐無言側睇雲間雁

請告書懷

夙昔浮雲意微官久欲休蹉跎身漸老丘壑願方酬海

日猶殘暑山風欲度秋盈盈河上水萬里送歸舟

方 沆 二首

沆字子及莆田人隆慶戊辰進士歷官雲南提

學僉事謫寧州知州有猗蘭堂橐 朱秉器云子及詩非大曆貞元以上

語不道 謝山子云子及心境高妙有天然之趣

秋 沆

山合松楸晚沙寒橘柚秋坐看魚鳥近歷歷鏡中遊

次長沙懷賈太傅

楚雲萬里望京華賈傅南遷路未賒誰料逐臣今更遠
春風三月過長沙

唐文燦 一首

明詩綜卷五十一

七

文燦字若素漳州鎮海衛人隆慶戊辰進士除
行人歷官廣西按察僉事有鑑江亭帚集

大行皇帝輓歌

憶昔河清日流虹叶瑞徵運隨真主轉紀逐盛時蒸七
世觀新廟千秋奉永陵耿光長照耀史冊紀中興

郭 莊 一首

莊字子蒞鞏昌徽州人隆慶戊辰進士改庶吉
士授山東道御史督學南畿

賦得謁帝承明廬

丈夫重意氣束髮事周遊挾策日坎壈西風吹敝裘一
朝際風雲謁帝來神州出入承明廬交結盡英流雙闕

聳雲漢朱旗夾道周翺翔供奉客錦帶佩吳鉤相期樹
勳名寧論沉與浮君看黃鶴志不為稻粱謀

帥機一首

機字惟審臨川人隆慶戊辰進士歷官南京禮
部郎中陞思南知府謫兩浙鹽運司副還南京
刑部郎中有膳部集

秋懷

八月金氣深蕭瑟叩虛牝梧楸半離披朱華日就隕風
急度離鴻氣嚴感飛隼皎月正舒遲羲輪漸縮窘砧聲
動四鄰薄寒侵席筍清景誠足嘉惜此歲道盡况復愴
松楸欲賦思歸引

鍾庚陽一首

明詩綜卷五十一

六

庚陽字長卿秀水人隆慶戊辰進士除太平推
官入為大理評事遷工部主事歷負外郎中出
知鎮江府謫知廣德州終刑部負外有焚餘集
劉在南直指遷柳州余亦謫守廣德同發潞河投

贈

繡衣使者下蘭臺愁說雙旌潞水開自是聖恩寬逐客
却從謫宦見仙才山過衡嶽孤帆轉路入瀟湘鴈影回
余亦南行賦歸去秋風天末幸追陪

唐邦佐二首

邦佐字惟良蘭谿人隆慶戊辰進士知泰和如

皋儀真三縣入爲刑部主事謫兩淮運司判官
轉贛州府通判遷知光州有比部集

感興

蟠曲惡木根不植太山岡婀娜孤生竹抽梢淇水旁佳
人好脩飾被服素羅裳感茲帛鴈會得充君子房絲蘿
引長蔓琴瑟淨高張合懽在令德容色豈足揚

塞下曲

曾隨驃騎度渾河雨雪天山夜負戈莫謂歸家貧到骨
黃沙白骨不歸多

張元忬

一首

元忬字子蓋紹興山陰人隆慶辛未賜進士第

明詩綜卷五十一

九

一歷官左諭德兼侍讀有不二齋橐

杜轄巖訪吳公度

杜轄巖中人曲江舊同席未折彭澤腰早著東山屐柄
心老氏書結廬武夷側晴峰萬點青雲溪幾條白玄關
夾長松丹房架危壁巖頭露可餐巖下芝可摘猿鶴時
爲羣車馬杳難即我本丘壑人聊作金門客煙霞夙同
好出處偶殊迹諦觀聲利場何似神仙宅四十已無聞
百年亦瞬息徒然赤松子巢居鍊形魄明發出閩嶺題
詩訂泉石

鄧以讚

一首

以讚字汝德新建人隆慶辛未賜進士第三歷

官吏部右侍郎贈禮部尚書諡文潔有佚橐
思歸

星河雲氣淡
萸菊露華清
宦况慵兼病
鄉愁斷又生
入秋偏遠夢
逐日計歸程
南鴈空中唳
能禁此夜情

郭子章

二首

子章字相奎泰和人隆慶辛未進士歷官都御史巡撫貴州進兵部尚書有閩州留州蜀州浙

州晉州楚州黔州等集

詩話青螺駁歷外臺而著書不較詩嫌合格者少然勝於輒熟者多

紀夢

西南欖槍明占在川之播何哉井底鼃不知有漢大黔

明詩錄卷五十一

十一

中久愉恬崇朝忽摧挫聚黨嘯綦江一倡乃百和城市
走豺豺平原起堀堞天子赫斯怒命將出右个猥予在
田間未許支離臥馳驅竹王疆迅速等轉磨夜夢壯繆
侯車騎儼相過倒屣延之入席分賓主坐論賊無足虞
糝糠易揚簸巢幕暫偷安積薪以待莖及余入八番次
第密搜邏衝風釋乍卷利七粉同剉豈專帷幄謀一一
神所佐從此半壁天蠻楚始退悞荆祠敬事侯擊牲進
香糯誰為報侯功銘詩我所作

舟中

三春滯水濱魚鳥狎成羣江濁流新雨山晴斂薄雲村
春幽澗急岸艸夕陽薰何處城頭角偏令倦客聞

劉克正 一首

克正字懋一從化人隆慶辛未進士改庶吉士

授簡討

春雪

乍覺輕寒薄太空凍雲舞絮一宵同
點成簾幕渾成雨
飛入園林不待風
萬里江山春寂寞
九重宮闕玉玲瓏
仙郎天下聞高調
一曲誰能和郢中

郭子直 一首

子直字舜舉崇德人隆慶辛未進士除行入歷
官福建按察副使

采菱曲

明詩綜卷五十一

三

采菱復采菱采采日已暮
貪看馬上郎迷却花間渡

侯堯封 二首

堯封字欽之蘇州嘉定人隆慶辛未進士授刑

部主事改四川道御史歷官福建參政有鐵菴

遺豪

第一禪林

自是禪栖第一林萬松迴合白雲深
遠看麋鹿不知數
欲問禪居何處尋
中天日月遞朝暮
下界山河自古今
暫憩便疑塵世隔
幾人曾此一投簪

詠石牛

田入山鄉少時將孟夏終如何尚高卧不起助農功

劉元震一首

元震字衍亭任丘人隆慶辛未進士歷官吏部

左侍郎掌詹事府教習庶吉士空齋華觀天

月下聽琴風琴瑟不盡斑竹日蕭蕭

明河澹月挂疎林此夕張君綠綺琴一曲正堪清夜聽

幾人先動故園心寒催兔杵霜前響靜愛龍脣泓下吟

流水高山意何限遙遙天路彩雲深

黃洪憲五首

洪憲字懋忠嘉興人隆慶辛未進士改庶吉士

除編修奉使朝鮮還進侍讀歷右庶子陞少詹

贈事掌翰林院事有碧山學士集

明詩綜卷五十一

觀蘭亭修禊圖

主

夙昔秉微尚縱情寄丘壑晞髮秦稽陽俯觀但寥廓蘭

亭被荒丘羣賢不能作風生松下寒月出雲上薄觴咏

已無歡墨妙虛有託崇峻迹未殊清朗又如昨彭殤誰

見齊庶幾達者樂

穆宗莊皇帝輓歌

二首

祇德符神禹成功紹帝堯冠裳臨萬國干羽格三苗碧

嶂龍輻入青林鳳翼遙淚痕消不盡斑竹日蕭蕭

魚鱗開清禁鑿車出紫薇忽移丹仗去空憶翠華歸天

路應非遠人寰惜永達霸陵秋色裏愁見白雲飛

山海關

長城古堞俯滄瀛，百二河山擁上京。
銀海仙槎來漢使，玉關秋艸戍秦兵。
星臨尾部雙龍合，月照平沙萬馬明。
聞道遼陽飛羽急，書生急欲請長纓。

別許都監

萍水他鄉聚多君，傾蓋懽九秋。
迎使節千里送征鞍，久客歸心切孤亭。
別袂寒遠星江上，落殘月馬頭看。
豈不懷瓊玖，無因託羽翰。
相思不得見，努力且加餐。

劉虞夔 一首

虞夔字直卿，高平人。隆慶辛未進士，改庶吉士。歷官太常寺少卿兼侍讀學士，掌翰林院事，再掌詹事府。

明詩綜卷五十一

五

苦熱行

燕山虛傳千丈雪，昔乃苦寒今苦熱。
苦寒尚可禦苦熱，安所逃寒有重裘。
奧室足自庇，熱雖袒裼心煩勞。
炎風吹埃沸四野，火雲布空日如赭。
長安袞袞車馬塵，驅馳道路何為者。
吾思仙人乃在閩，風岑水晶宮。
闕琪樹林安得從之，御風吟攬子之袖。
開我襟念此已足清，人心吁嗟炎蒸三伏無歲無。
發狂大叫胡為乎。

周光鎬 二首

光鎬字國雍，一字耿西，潮陽人。隆慶辛未進士。除寧波推官，陞南戶部主事，改吏部，歷郎中。出知順慶府，陞四川副使，轉叅政，遷陝西按察使。

擢僉都御史撫寧夏入爲大理寺卿有明農山
堂彙州

大梁道上

眺望中原路逶迤入大梁風塵馳朔騎節序改青陽
水浮煙黑沙河落日黃愁來看短缺猶帶薊門霜

秋懷

靈關秋色白榆多九月霜風黑水河天外雁鴻嗟阻滯
籬邊松菊怨蹉跎南來叩塞無烽燧西去臨洮走橐駝
此日三秦憂不細禁中親詔出廉頗

吳中行一首

中行字子道武進人隆慶辛未進士改庶吉士

明詩綜卷五十一

三

授編修以建言廷杖爲民尋起用遷右中允歷
洗馬管司業事進侍讀有復菴集

詩話江陵奪情事在萬曆五年七月迨十月之朔彗星見大內火於是
既望三日吳公疏上次日趙檢詩用賢疏上又次日艾負外穆沈主事
思孝疏上江陵怒不可止而諸公均受杖矣方杖時鄒進士元標疏復
上一時士氣持正若是詩文穆以庶子充日講官爲吳趙二公錢鐫玉
杯一銘曰斑斑者何下生淡英英者何蘭生氣追之琢之永成器以贈
吳公屏杯一銘曰文羊一角其理沉黜不惜剖心寧辭碎首黃流在中
爲君子壽以贈趙公玉杯今不見屏者焉
吾鄉何少卿雜音所得余嘗飲此作歌

賦得露凝仙掌

絳闕秋容靜金莖露氣長夜深方湛湛日出轉瀼瀼共
喜仙人掌能滂玉女漿願持方聖澤沾灑徧遐荒

史 鈎一首

鈎字汝和餘姚人隆慶辛未進士改庶吉士授

春晴

春光二月滿皇州半逐桃花入水流何事王孫歸未得
東郊芳艸自含愁

丁元復 一首

元復字見心長洲人隆慶辛未進士除知陽信
縣擢山西道御史歷浙江布政司叅議有片玉
齋存橐

早春過趙凡夫池館

幽栖何所定選勝得支硎檻底泉鳴玉天邊石作屏江
梅依澗戶谷鳥浴清冷千丈原頭瀑宜添一艸亭

明詩餘卷五十一

雷

鄭邦福 一首

邦福字洪疇上饒人隆慶辛未進士歷官南京
太僕寺卿有采真遊橐

牛場坡

俯身牛場坡仰而臘笏嶺白鷄

山帶兩翔老鴉名關入雲

猛如穿螺竅中復躋蝸角頂行地雖數舍計天不盈頃
從來汗漫遊觀茲殊絕景那知陟宦階巖嶮極無影

吳中立 二首

中立字公度浦城人隆慶辛未進士授禮部主
事歸籍起尚寶司丞有吳音

浪吟

楚歌風兮鳳孔操麟乎麟空爲世所瑞胡不全其真三
山有若木百歲無故人去覓逍遙子清湘采白蘋

舟行白下

江天澹秋色斜日照孤篷漁艇沿門繫蒹葭到處通鳥
飛帆影外人在鏡湖中始覺煙波叟浮家趣不窮

薛夢雷

二首

夢雷字汝奮福清人隆慶辛未進士歷官雲南
按察使有彩雲集

發三山

倦遊萬里欲投閒未斷塵緣更出關七十五程重屈指
夢魂何處不三山

明詩綜卷五十一

重

夜次弋陽

風塵何事只棲棲楚水茫茫去鳥低落日漸看人影盡
平沙如雪弋陽谿

熊敦朴

一首

敦朴字茂初內江人隆慶辛未進士改庶吉士
歷官貴州布政司叅議有謫居橐

得趙汝師太史書

章臺猶旅食珍重故人書自是飄零久非關記憶疎野
花紅更發官柳綠仍舒浩蕩乾坤意吾生總不如

馮時可

七首

時可字敏卿松江華亭人隆慶辛未進士除刑

部主事改兵部歷負外郎中出爲貴州提學副
使再補四川提學副使調廣西湖廣叅政有北
征西征金閩石湖巖棲雨航等集

陳啟子云吾鄉元成可方吳門劉子威

詩話元成詩極爲

萊獨五古一體尚有遺秉滯穗可供糖拾以比劉子威翻覽勝之

齋居雜述 二首

兔狡能營窟鳩拙亦居巢兕虎入帝苑麒麟走空郊玉
石貌難分金錫質易淆三黜不必愚九遷豈必豪屈伸
由好惡人生在所遭鴻也費歌噫雄也費解嘲何如與
化遊小大並逍遙

白龍下清淵漁者射其目白龜使清江卜者剝其腹元
君違神夢上帝惡魚服風波一失所雲雨迷牽復芳艸

明詩綜卷五十一

三

化爲芻苦菜菹爲蓄世事如轉蓬人情多反覆冉冉百
年中愁居何能淑

戊戌歸田雜感 二首

箕斗不共垣有采相爲光蘭蕙不共根有氣相爲芳奈
何同居者各自生肺腸一笑亦見疑片語含鍼鋟不能
相慰勞安望相頡頏長林知天風大埜知天霜人生不
相知何用接杯觴

北風何其涼霜霰相與期薄暮侵衆卉芳鮮漸已辭玄
髮不堪秋忽覺變青絲翩翩飛蓬征愴愴遊子思浮雲
一出山安知其所之故交皆已貴故心誰爲持酌水置

金罍焉辯漚與淄

送張孝豐

浮雲不可駐遊子不能留
驚颺逐駭駒歲月去何遑
禦寒安得裘濟河安得舟
客處無與懽寧不思故丘

常山道中遇雨

東山詠零雨感彼歸途事
今茲賦愁霖行役我伊始
囊靈業不堪滂沱末由止
嘶嘶石彌高油雲未已我車
淖方掀我僕顛莫起娟娟
蠋蒸桑肅肅鴉集枳苦哉遠
征人重山復重水

建陽道中

趨程苦行遲遇景苦行速
清晨發建陽重霧若雲簇
載馳且一舍始能豁我目
清溪映明沙茂樹間修竹
千山開且合煙翠爭相逐
飛梁若垂虹去艇如遊鷺
竟日抵甌寧應接難更僕
人遠意如何以遊偏恨獨

明詩綜卷五十一

三

方揚一首

揚字思善歙人隆慶辛未進士
歷官杭州知府有初菴藁

金山

虛閣疑無地琳宮別有天
江空萬籟發僧定一燈懸
七澤吞吳楚孤峰自歲年
乘風興不淺高眺已泠然

劉伯淵一首

伯淵字靜之號念庭慈谿人
隆慶辛未進士除泰興知縣
遷工部主事歷負外郎中出為江西

按察副使以病致仕歸年百餘歲卒有灌息亭集

詩話念庭於隆慶五年釋褐萬曆十六年卽引疾歸其八十初度自嘲詩云謂我歸田早假令不早有何好幾人欲歸不得歸黃犬東門添悽機謂合彈冠出陶令折腰八十日披開已道宜休三揣分真成不堪七及百歲思陵遣御史梁雲構存問念庭猶健步迎於門外謝恩畢騰觚飛爵了無倦容崇禎十一年事也吳興有顯者家居以厚幣乞言
念壽念庭笑曰七十上壽毋乃太早乎浙東西相傳以爲佳話云

園居

松際茅簷隔小橋水濱穿圃亦通潮得閒獨坐翻書卷
有客相過慰寂寥方竹歲深裁作杖大壺霜落剖爲瓢
年豐飽喫青精飯莫問仙山路近遙

吳丕顯一首

丕顯字希文松江華亭人隆慶丁卯舉人承天

明詩綜卷五十二

天

府通判有四留軒集

詩話希文奕葉青門一官散吏廉能年卽相傳初補學官弟子製青字布爲襴衫授兄子太也州以子官家有青字亭至今存焉襴衫之製諸生服之洪武二十四年三易其式而後定用玉色絹布爲之寬袖皂緣繫縵垂襦其後漸易以藍罕用布者矣

題襟江樓

纜解春江曉帆懸碧樹秋開窗千里月近檻一江流草
色迎芳渡歌聲逐去舟十年湖海夢猶自媿沙鷗

鄭學醇一首

學醇廣州順德人隆慶丁卯舉人選授知縣有

勾漏州

園居

藥裏供垂老幽棲性獨偏每尋高士傳無復遠遊篇柔

櫓村煙外寒江夕照前沙鷗我與汝相對可忘年

劉元卿一首

元卿字調甫安福人隆慶庚午舉人徵授國子
監博士遷禮部主事有山居草

別王以忠

王粲樓前賦梁鴻廡下居死生奚不可歸去復何如計
日浮炎海經時返故廬憑將越溪水還寄八行書

梁岳一首

岳廣州順德人隆慶庚午舉人官知州

暮春燕京懷歸

長安春盡落花多越客思歸意若何
節序幾從愁裏變

明詩綜卷五十一

五

家園頻向夢中過西京形勝雄三輔
北雁音書隔九河
燕市酒鑪堪取醉莫將留帶已忘歌

明詩綜卷五十一

